

萬 有 文 庫

第 二 集 七 百 種

王 雲 五 主 編

萬 曆 重 修 二 百 二 十 八 卷 本

明 會 典

( 二 十 )

申 時 行 等 重 修

商 務 印 書 館 發 行

本卷八十二百二修重曆萬

明 會 典

(二十)

修重等行時申

書 叢 本 基 學 國

# 明會典卷之四十三 禮部一

禮部尙書左右侍郎掌天下禮樂祭祀封建朝貢宴享貢舉之政令其屬初曰儀部曰祠部曰膳部曰主客部後改儀部爲儀制祠部爲祠祭膳部爲精膳主客仍舊俱稱清吏司

## 儀制清吏司

郎中員外郎主事分掌禮儀宗封學校科貢舉其儀度而辯其名數

## 【朝賀】

國初朝賀等儀多仍前代之舊後乃斟酌繁簡定爲中制以頒示天下具見諸司職掌至嘉靖間稍加更定今備列之首儀注次樂章而附沿革事例于後

## 【正旦冬至百官朝賀儀】

洪武二十六年定

凡正旦冬至前一日尙寶司陳御座于奉天殿及寶案于御座之東設香案于丹陛之南教坊司設中和韶樂于殿內之東西北向其日清晨錦衣衛陳鹵簿儀仗于丹陛及丹墀之東西設朋扇于殿內東西列車輅步輦于丹墀東西相向鳴鞭四人左右北向教坊司陳大樂于丹陛之東西北向儀禮司設同文玉

帛案于丹陛之東。金吾衛設護衛官于殿內及丹陛之東西。陳甲士于午門外。奉天門外。及丹墀東西。錦衣衛設將軍于奉天門外。丹陛丹墀及奉天門。列旗幟于奉天門外東西。典牧官陳仗馬。犀象于文武樓南東西相向。欽天監設司晨郎報時位于內道東近北立。糾儀御史二人于丹墀北東西相向。內贊二人于殿內。外贊二人于丹墀北東西相向。設傳制宣表等官位于殿內東西相向。鼓初嚴。文武官具朝服齊班于午門外。鼓次嚴。引禮引百官由左右掖門入詣丹墀。東西北向立。鼓三嚴。執事官詣華蓋殿伺候。內官跪奏。皇帝具袞冕陞座。鐘聲止。儀禮司官跪奏。各執事官行禮。贊五拜禮畢。贊供事執事官各就位。儀禮司官跪奏。請陞殿。駕興。中和韶樂奏聖安之曲。尙寶官捧寶前行。導駕官前導。扇開簾捲。尙寶官置寶于案。樂止。鳴鞭報時。雞唱曉。對贊唱排班。班齊。贊禮唱鞠躬。大樂作。贊四拜。平身。樂止。典儀唱進表。大樂作。給事中二人詣同文案前導引。序班舉案由東門入。置殿中。樂止。內贊唱宣表。曰。宣表。曰。官跪宣訖。俯伏興。唱宣表。展表。官取表。宣表。官至簾前。外贊唱。衆官皆跪。宣表訖。內外皆唱。俯伏興。平身。序班。卽舉表案于殿東。外贊唱。衆官皆跪。代致詞。官跪于丹陛中。致詞云。具官臣某等。茲遇正旦則云三陽開泰萬物咸新冬至則云律應黃鐘日當日當恭惟皇帝陛下。膺乾納祐。奉天永昌。賀訖。外贊唱。衆官皆俯伏興。樂作。四拜興。平身。樂止。傳制官詣御前跪奏傳制。俯伏興。由東門靠東出。至丹陛之東西向立。稱有制。贊禮唱跪。百官皆跪。宣制。正旦則云履端之慶冬至則云與卿等同之。贊禮唱俯伏興。平身。樂止。贊拊笏。鞠躬。三舞蹈。贊跪唱山呼。百官拱手加額。曰。萬

歲唱山呼曰萬歲唱再山呼曰萬萬歲凡呼萬歲樂工軍校齊聲應之贊出笏俯伏興大樂作贊四拜平身樂止儀禮司官跪奏禮畢中和樂作奏定安之曲駕興尚寶官捧寶導駕官前導至華蓋殿樂止引禮官引百官以次出○三十年更定同文案玉帛案俱由殿東門舉進安于殿中宣表訖舉同文玉帛案俱安于寶案之南

嘉靖十六年更定

前一日尚寶司設寶案于奉天殿寶座之東鴻臚寺設表案二于殿東中門外禮部主客司設蕃國貢方物案八于丹陛中道左右欽天監設定時鼓于文樓之上教坊司設中和韶樂于奉天殿內東西設大樂于奉天門內東西俱北向至期錦衣衛陳鹵簿儀仗于丹陛及丹墀東西設朋扇子殿內東西陳車輅步輦于奉天門丹墀中道北向金吾等衛列甲士軍伏于午門外奉天門外及丹墀東西旗手衛設金鼓于午門外列旗幟于奉天門外御馬監設仗馬錦衣衛設馴象于文武樓南東西相向欽天監設報時位于丹陛之東鼓初嚴百官具朝服齊班于午門外鼓次嚴引班官引百官并進表人員及四夷人等次第由左右掖門入詣丹墀序立欽天監雞唱官司晨一員于文樓下西向錦衣衛將軍六員于殿內之南北向將軍四員于丹陛四隅東西相向其餘侍衛將軍各分立于殿陛等處如儀鳴鞭四人于丹墀中道左右北向金吾等衛護衛官二十四員于丹陛之南六員于丹墀之北俱東西相向陳設方物鴻臚寺司賓署丞一員徹方物案鴻

臚寺序班十六員于丹陛中道左右外贊鴻臚寺鳴贊等官十二員于丹陛及丹墀東西糾儀御史十二員于丹墀之東西殿前侍班錦衣衛千戶六員光祿寺署官四員序班二員傳呼鳴鞭錦衣衛百戶四員俱于殿中門外東西相向導表六科都給事中二員序班二員于表案左右掌領侍衛官三員于殿內東西相向錦衣衛正直指揮一員于簾右東向百戶二員于簾下左右相向捲簾畢即趨出殿門外各豫立以俟鼓三嚴執事禮部堂上官并內贊鳴贊一員陳設表案并舉案序班五員典儀鴻臚寺司儀署丞一員捧表禮部儀制司官四員展表六部都察院通政司大理寺堂上官二員宣表致詞并傳制等項鴻臚寺堂上官五員捧寶尙寶司官二員導駕六科給事中十員殿內侍班翰林院官四員中書官四員糾儀御史四員序班二員及各遣祭官俱詣華蓋殿外候上具袞冕陞座鐘聲止入序立遣祭官以次復命訖各趨入丹墀班禮部堂上官跪奏方物并請上位看馬候得旨復位鴻臚寺卿跪奏執事官行禮贊五拜叩頭畢贊各供事鴻臚寺卿跪請陞殿駕輿導駕官前導尙寶官捧寶前行中和樂作奏聖安之曲上御奉天殿陞座導駕官立于殿內柱下東西相向侍班翰林官立于東導駕官之後中書官立于西導駕官之後糾儀御史序班分立于侍班官之下尙寶官置寶于案分立于導駕官之上樂止鳴鞭報時雞唱訖外贊唱排班班齊鞠躬大樂作四拜興平身樂止內贊贊進表大樂作導表官導表案至殿東中門止序班舉案入表展置殿中退立于東西柱下樂止贊宣表目禮部堂上官并宣表目官詣殿中跪宣畢各叩頭退贊宣

表官取表同宣表官詣殿中跪。外贊贊跪。衆官皆跪。宣畢。展表官分東西先退。內外皆贊俯伏。大樂作。興平身。樂止。宣表官退。序班舉案置殿東。外贊贊跪。衆官皆跪。代致詞。官跪于丹陛中。道致詞云。公侯駙馬伯文武百官。臣某官某等。詞與洪武間所定同。賀訖。外贊贊俯伏。衆官皆俯伏。大樂作。四拜。興平身。樂止。傳制官詣御前。跪奏傳制。俯伏。興。由東門。臺東出。至丹陛之東西向立。稱有制。外贊贊跪。衆官皆跪。宣制。制與洪武間所定同。宣訖。外贊贊俯伏。大樂作。興平身。樂止。贊指笏。鞠躬。三舞蹈。贊跪。唱山呼。百官拱手加額。曰萬歲。唱山呼。歲。唱再山呼。曰萬萬歲。贊出笏。俯伏。大樂作。四拜。興平身。樂止。鴻臚卿詣御前。跪奏禮畢。鳴鞭。曰萬中和。樂作。奏定安之曲。駕輿。尙寶官捧寶。導駕官前導。至華蓋殿。樂止。引班官引百官人等。以次出。序班徹方物案。所司設黃幄于丹陛上。陳王府及勳臣總兵官。外夷所進馬匹于丹墀內。禮部并鴻臚寺官立于丹墀東。候上易便服。御黃幄。甲士行禮畢。禮部官詣御道中。跪奏御馬過。奏畢。復位。候馬過。詣御道中。跪奏馬過畢。駕還宮。嘉靖四十一年。更名奉天殿。曰皇極殿。門曰皇極門。華蓋殿。曰中極殿。後具儀俱用新名。

【冬至大祀慶成儀】

舊制。冬至日。卽行賀禮。嘉靖九年。分祀二郊。以冬至大報。是日行慶成禮。次日行冬至朝賀。禮畢。舉慶成宴。本年再定。次日上詣內殿。行節祭禮。又詣母后前行賀禮。畢。始御奉天殿。受百官賀。

嘉靖七年定

上大祀禮成駕還。百官具朝服于承天門外橋南立迎駕。隨至奉天殿丹墀內侍立。執事官先至華蓋殿前東西拱立。候上御華蓋殿。具袞冕服陞座。鴻臚寺堂上官跪奏。執事官行禮。鳴贊贊入班。鞠躬。五拜。叩頭。興。平身。各供事。鴻臚寺堂上官跪奏。請陞殿。教坊司樂作。上御奉天殿陞座。樂止。錦衣衛官傳鳴鞭。鴻臚寺堂上官傳排班。鳴贊贊排班。班齊。鞠躬。四拜。興。平身。贊跪。鴻臚寺堂上官于丹陛中道跪。致詞曰。公、候、駙馬、伯、文武百官、某官、某等恭惟園丘大報載成。禮當慶賀。致詞畢。由殿東門入殿內侍立。鳴贊贊俯伏。興。鞠躬。樂作。四拜。興。平身。樂止。鴻臚寺堂上官于殿內跪。奏禮畢。傳贊禮畢。錦衣衛官傳鳴鞭。上還宮。百官退。

【萬壽聖節百官朝賀儀】

洪武二十六年定儀。與正旦冬至同。但致詞云。恭惟皇帝陛下萬壽令節。至三十年改臣令節爲聖節。某等誠懼誠怵。敬祝萬萬歲壽。不傳制。○嘉靖年定儀。亦與正旦冬至同。但鴻臚寺加設玉帛案。于殿內簾前致詞。詞與洪武年間所定同。

朝賀樂

洪武間定以後樂俱同

殿內中和韶樂



樂器

麾一

簫十二

笙十二

排簫四

橫笛十二

塤四

篪四

琴十

瑟四

編鐘二

編磬二

應鼓二

祝一

敔一

搏拊二

樂章

陸殿奏聖安之曲

乾坤日月明。八方四海慶太平。龍樓鳳閣中扇開。簾捲帝王興。聖感天地靈。保萬壽。洪福增。祥光王氣生。  
陸寶位永康寧。

公卿入門奏治安之曲。後不用。

忠良爲股肱。昊天之恩。承主恩。森羅拱北辰。御爐香。遶奉天門。江山社稷興。安天下軍與民。龍虎會風雲。  
賀萬壽。聖明君。

丹陛大樂 後奏于奉天門

樂器

麾一

戲竹二

簫十二

笙十二

笛十二

頭管十二

箏八

琵琶八

二十絃八

方響二

鼓二

拍板八

杖鼓十二

樂章

百官行禮奏萬歲樂朝天子之曲

雨順風調昇平世。萬萬年山河社稷。八方四面干戈息。慶龍虎風雲會。  
右萬歲樂

聖德聖威。洪福齊天地。御階前文武兩班齊擺列在丹墀內。舞蹈揚塵。山呼萬歲。統山河壯帝畿。禮儀讚稽慶。龍虎風雲會。右朝天子

還宮奏定安之曲

九五飛聖龍。千邦萬國敬依從。鳴鞭三下同。公卿環佩響玎玲。掌扇護御容。中和樂音呂濃。翡翠錦繡擁還華蓋赴龍宮。

洪武元年。令正旦、冬至、及壽日。各衙門不許於寺觀行香。其萬歲牌。不許復設。○二十二年。令凡遇大朝賀。除已習儀。及具服官員許入班。其餘便服人員。止于午門外行禮。執事官于華蓋殿行禮。排甲帶刀侍衛之人。免拜。五府、六部等官。于殿內侍立。今皆入班奏事止于華蓋殿。○永樂六年。令帝王生日。先于宗廟具禮致祭。然後序家人禮。百官慶賀禮畢。筵宴。○嘉靖七年。奏准。凡遇萬壽、聖節、正旦、冬至。大朝賀。先令承天門、端門。及左右闕門。守門內外官員。嚴禁雜人行走。鼓初嚴。執事官并侍衛官軍。先入。次皇親、公、侯、駙馬、伯。次在京文武品官。次來朝品官。次內外雜職。次生儒。次外國四夷人。至奉天殿下。文武百官依品級序立。毋得撓越亂班。禮畢。外國四夷先出。次生儒。次雜職。次文武品官。次侍衛官軍及儀從人等。俱盡象馬方行。其金水橋、東西角門各添設序班。凡有撓越者。御史序班糾舉。拏奏。若有市井姦人假借儒吏衣巾。冒入殿庭。錦衣衛官校緝拏。○又令。凡正旦、冬至、聖節。百官俱於先期之三日。及二日習儀。正旦、冬至。

於朝天宮。聖節於靈濟宮。○九年更定。郊祀。冬至習儀於先期之七日及六日。○二十一年。令聖節。正旦。冬至俱赴朝天宮習儀。

凡正旦節。自十二月二十八日起。至正月二十日止。百官俱吉服。通政司不奏事。冬至前三日。後三日。聖節前三日。後三日俱吉服。通政司亦不奏事。

凡朝賀班首致詞官。例用勳臣。有缺。則禮部題請欽定。

凡進賀表目。親王各一通。各處掛印總兵官各一通。朝鮮國王一通。南京禮部等衙門一通。浙江等布政司。按察司。直隸府州等衙門各一通。南京中軍等都督府一通。中都留守司。浙江等都司。直隸衛所等衙門各一通。

凡大朝賀。先期禮部移文各衙門。取具執事等官職名。并陳設儀衛等項數目。榜揭習儀處所。以便供事。○隆慶二年題准。丹墀糾儀序班添二員。○萬曆七年。諭衍聖公。以萬壽入賀。朝廷待以賓禮。不在文武職官之列。不必朝參。○九年題准。衍聖公。及顏魯孟三氏子孫。止許三年一次入賀。于朝覲年行。

【中宮正旦冬至命婦朝賀儀】

洪武二十六年定

凡正旦冬至前期一日。女官陳設御座于宮中。設香案于丹墀之南。其日內官陳設儀仗于丹陛之東西。

及丹墀東西。女官擎執者。立于御座之左右。陳女樂于丹陛。東西北向。設箋案于殿東門外。設班首拜位于中道之東西。設命婦拜位于丹墀北向。設司贊位于丹墀東西。設司賓位于命婦班之北。東西相向。設內贊二人。位于殿內東西。命婦至宮門外。司賓引命婦入。就拜位。女官具服侍班如常儀。尙宮尙儀等官詣內奉迎。尙儀奏請陞座。皇后具服出。導從如常儀。樂作。陞座。樂止。司贊唱班齊。樂作。贊四拜。樂止。內贊唱進箋。引箋案女官前導。舉箋案女官二人。舉案由殿東門入。樂作。至殿中。樂止。贊衆命婦跪。內贊唱宣箋目。宣箋曰。女官宣訖。興。唱宣箋。展箋女官詣案前取箋。宣箋女官宣訖。興。舉案者舉案于殿東。贊命婦皆興。司賓引班首由東階升。樂作。自東門入。至殿中。樂止。內贊唱跪。班首跪。司贊唱跪。衆命婦皆跪。班首稱某夫人。妾某氏等。茲遇正旦則云履端之慶。冬至則云履長之節。敬詣皇后殿下稱賀。今班首致詞稱賀。俱司言女官代。內贊。司贊同唱。興。班首及殿外命婦皆興。司賓引班首由西門出。降自西階。樂作。至拜位。樂止。贊拜。樂作。四拜。樂止。司言前跪。將旨由東門靠東出。至于丹陛。東西向立。稱有旨。司贊唱跪。衆命婦皆跪。司言宣旨。正旦則云履端之慶。冬至則云履長之慶。與夫人等同之。贊興。衆命婦皆興。司贊唱拜。樂作。四拜。樂止。尙儀跪奏禮畢。皇后興。樂作。還宮。樂止。引禮引命婦以次出。

【中宮千秋節命婦朝賀儀】

洪武二十六年定

中宮千秋節命婦朝賀禮儀與正旦冬至同但致詞云茲遇千秋令節敬詣皇后殿下稱賀不傳旨

朝賀女樂

樂器

戲竹二

簫十四

笙十四

笛十四

頭管十四

箏十

琵琶八

二十絃八

方響六

鼓五

拍板八

杖鼓十二

樂章

天香鳳韶

寶殿光輝晴天暎懸玉鉤珍珠簾櫳瑤觴舉時簫韶動慶大筵來儀鳳昭陽玉帛齊朝貢讚孝慈賢助仁風歌謠正在昇平中謹獻上齊天頌

【太皇太后聖旦正旦冬至命婦朝賀儀】

【皇太后聖旦正旦冬至命婦朝賀儀】

儀注樂器俱與中宮同

樂章

天香鳳韶

龍樓鳳閣彤雲曉。開綉簾。天香芬馥。瑤階春暖。千花簇。壽聖母。齊頌祝。御筵奏獻長生曲。坤道寧。品類咸育。和氣四時調。玉燭享萬萬年太平福。

凡命婦例應朝賀者。禮部先期告示。各照其夫品級。具珠翠冠大袖紅衫霞帔。齋執禮部印信票帖。清晨自北安東西安等門從便入。至東西華門外。候引入宮朝賀。

【東宮親王并妃正旦冬至宮中朝賀儀】

洪武初定

凡正旦冬至日上位中宮。陞乾清宮御座。侍從導引如常儀。引禮引皇太子及妃。親王及妃。詣上位前。贊禮贊。鞠躬四拜。皇太子親王皆鞠躬四拜。平身。皇太子妃。親王妃皆四拜。贊禮引皇太子詣前。贊跪。皇太子跪。引禮贊跪。皇太子妃。諸王及妃皆跪。皇太子稱長子某。茲遇履端之節。謹率諸弟某等。欽詣父皇陛下稱賀。贊禮贊俯伏。興平身。皇太子俯伏。興平身。引禮贊俯伏。興平身。諸王皆俯伏。興平身。皇太子妃諸

王、妃、興、贊禮引皇太子復位。贊鞠躬四拜。皇太子諸王皆鞠躬四拜。興、平身。皇太子、妃、親王、妃皆四拜。禮畢。引禮引皇太子及妃、諸王及妃詣中宮前。贊禮贊鞠躬四拜。皇太子、親王、皆鞠躬四拜。興、平身。皇太子、妃、親王、妃皆四拜。贊禮引皇太子詣前贊跪。皇太子跪。引禮贊跪。皇太子、妃、諸王及妃皆跪。皇太子稱長子某茲遇履瑞之節謹率諸弟某等恭詣母后殿下稱賀。贊禮贊俯伏。興、平身。皇太子俯伏。興、平身。引禮贊俯伏。興、平身。諸王皆俯伏。興、平身。皇太子、妃、親王、妃興贊禮引皇太子復位。贊鞠躬四拜。皇太子諸王皆鞠躬四拜。興、平身。皇太子、妃、親王、妃皆四拜。禮畢。引禮引皇太子、親王及妃皆出。

洪武七年更定不致詞。止行八拜禮。

【東宮親王并妃正旦冬至朝賀太后儀】

同前

【東宮正旦冬至百官朝賀儀】

洪武二十六年定

凡正旦冬至日典爾官設東宮座于文華殿中。錦衣衛設儀仗于殿外東西。教坊司陳大樂于文華殿內。東西北向。府軍衛列甲士旗幟于門外。錦衣衛設將軍十二人于殿中門外。及文華門外。東西相向立。儀禮司官設箋案于殿東門外。設文武官拜位于文華殿門外。設傳令宣箋等官位于殿內東西。執事官先行四拜禮訖。各就位。引禮引各官詣文華門外北向立。儀禮司官啓請陞座。導引官奉迎東宮具冕服出。



樂作。陞座。樂止。贊禮唱班齊鞠躬。樂作。四拜。興。平身。樂止。唱進箋。給事中前導。箋案由殿東門入。置殿中。內贊唱宣箋。日宣訖。俯伏。興。平身。唱宣箋。外贊唱跪。展箋。官詣案前取箋。宣箋。官宣訖。內外皆贊俯伏。興。平身。卽舉案于殿東。外贊唱衆官皆跪。代致詞。官中道跪。致詞云。具官臣某等。茲遇正且。則云三陽開泰。律應黃鐘。日當長至。敬惟皇太子殿下。茂膺景福。賀畢。唱衆官皆俯伏。興。平身。傳令官跪啓。傳令。由東門左出。至丹陛。東西向立。稱有令。贊衆官皆跪。宣令。正且。云履端之節。冬至。云履長之節。同臻嘉慶。贊俯伏。興。樂作。四拜。平身。樂止。儀禮司官跪啓禮畢。

### 【東宮千秋節百官朝賀儀】

洪武二十六年定

東宮千秋節。百官朝賀禮儀。與正且冬至同。但致詞云。茲遇皇太子殿下壽誕之辰。臣某等。敬祝千歲壽。不傳令。○宣德九年。令皇太子千秋節。冬至親王及天下五品以上衙門。遣官進箋者。同在京文武百官。詣文華殿行賀。東宮舊在文華殿南面受朝。嘉靖間。以文華殿爲上位。臨御別殿。改覆黃瓦。隆慶二年。冊立皇太子。詔于文華殿門東間。設座受羣臣朝賀。百官于文華門外列班。

朝賀樂朔望朝參同。

樂器

戲竹二

簫四

笙四

笛四

頭管四

簫三

琵琶二

二十絃二

方響一

鼓一

拍板二

杖鼓六

樂章

陸殿 還宮 百官行禮奏千秋歲

堯年舜日勝禹周慶雲生繚繞鳳樓風調雨順五穀收萬民暢歌謳

【東宮妃正旦冬至命婦朝賀儀】

洪武出定

前期女官陳設東宮妃座于宮中南向。至日清晨。內官陳設儀仗于丹陛之東西。及丹墀之東西。贊禮女官設外命婦班位于丹墀重行北向。設贊禮位于丹墀之東西。設引禮二人位于外命婦班之北。東西相向。設內贊女官二人位于宮內之東西。外命婦既至宮門。引禮引命婦入就拜位。侍衛者侍班如常儀。尚

儀入閣啓。東宮妃服禮服以出。侍從如常儀。樂作。陞座。樂止。贊禮贊班齊。樂作。贊四拜。外命婦皆四拜。樂止。引禮引班首由西階升。樂作。自西門入。進當座前北向立定。樂止。內贊贊跪。班首跪。贊禮贊跪。外命婦皆跪。班首致詞云。某國夫人。妾某氏等。茲遇履端之節。履端之節。長之節。敬詣皇太子妃殿下稱賀。內贊唱興。外命婦皆興。禮引班首由西門出。復至拜位。贊禮贊四拜。外命婦皆四拜。平身。樂止。尙儀啓禮畢。皇太子妃興。樂作。還宮。樂止。引禮引外命婦以次出。

【聖節正旦冬至王府慶祝儀】見王國禮

【聖節正旦冬至天下司府州縣慶祝儀】

洪武間定

凡遇正旦冬至聖誕之辰。各處司府州縣官公廳。各齋沐。具公服行禮。後改用朝服。告天祝壽曰。某衙門某官臣某等。荷國厚恩。叨享祿位。皆賴天生我君。保民致治。今茲正旦冬至。聖壽益增。臣等下情。無任忻躍感戴之至。○宣德四年。令在外大小衙門。遇正旦等節。慶賀禮。俱照洪武初。舞蹈山呼。行十四拜禮。



# 明會典卷之四十四 禮部二

## 【朝儀】

國初所定朝儀略具諸司職掌累朝以漸而詳其增定見行者有朔望儀常朝儀午朝諸儀而班次出入各有禁例具列于後

## 【朔望朝儀】

### 洪武三年定

凡朔望日上皮弁服御奉天殿百官公服于丹墀東西對立俟引班引合班北面立再拜班首詣前同百官鞠躬唱某官某起居贊禮唱聖躬萬福班首平身復位同百官皆再拜引班引百官分班仍對立省府臺部官諸衙門有事奏者由西階陞殿奏事畢降自西階引班引百官以次出如無事奏則侍儀由西階陞殿跪奏如之俟侍儀降階引班導百官出○十四年定凡朔望日文武百官各具朝服俟鼓三嚴公侯一品二品官入東西角門俟其餘三品以下先于丹墀內班橫行序立鐘三鳴公侯一品二品以次入班序立鐘鳴畢儀禮司奏外辦導駕官導上位陞御座鳴鞭訖鳴贊唱班齊通贊詣中道班首臣某等起居聖躬萬福畢百官行五拜禮儀禮司奏禮畢而退○十七年令百官凡遇朔望免行起居禮○後更定

朔望日上御奉天殿。百官各具公服行禮。常朝官序立于丹墀東西相向。謝恩見辭官序立于奉天門外。北向。候上陞座。鳴鞭。鴻臚寺贊排班。樂作。常朝官行一拜三叩頭禮畢。樂止。復班。鴻臚寺奏謝恩見辭。于奉天門外行五拜三叩頭禮畢。鳴鞭。駕輿。

【常朝御殿儀】國初常朝或御殿今不行。

洪武初定

凡早朝。文官自左掖門入。武官自右掖門入。如華蓋殿朝。至鹿頂外東西序立。鳴鞭訖。守衛官至鹿頂內行禮訖。就侍立位。各衙門官以次行禮訖。有事奏者入奏。無事奏者。四品以上及應陞殿者入殿內侍立。五品以下官出至鹿頂外列班。北向立。候鳴鞭以次出。如奉天殿朝。俱于華蓋殿行禮奏事畢。五品以下官詣丹墀。依品級列班。重行北向立。四品以上及翰林院官給事中監察御史等官。于中左右門伺候。鳴鞭。各詣殿內序立。候朝退。捲班以次出。如先于奉天殿朝後却奏事者。文武官于丹墀內依品級重行北向立。候鳴鞭行禮訖。四品以上及翰林院官給事中監察御史等官。陞殿侍立。五品以下仍前序立。候謝恩見辭。人員行禮訖。鳴鞭捲班退。有事奏者。于奉天門或華蓋殿進奏。無事奏者。以次出。○二十二年。令奉天殿常朝。五府六部。都察院。通政司。大理寺。錦衣衛等官。于殿內侍立。奏事止于華蓋殿。○二十四年。定侍班官員。凡文武官除分詣文華殿啓事外。如遇陞殿。各用履鞮。照依品級侍班。有違越失儀者。從

監察御史儀禮司糾劾。東班則六部堂上官各子部掌印官、都察院堂上官、十三道掌印御史、通政司、大理寺、太常寺、太僕寺、應天府、翰林院、春坊、光祿寺、欽天監、尙寶司、大醫院、五軍斷事官、及京縣官、西班則五軍都督及首領官、錦衣衛指揮、各衛掌印指揮、給事中、中書舍人。○二十六年，令凡文武百官于奉天、華蓋、武英等殿奏事，必須穿着履鞵，方許入殿。違者從糾儀御史禮部儀禮司官糾劾，送法司如律問罪。

### 【常朝御門儀】

#### 洪武初定

凡早朝文官自左掖門入，武官自右掖門入。如奉天門朝，至金水橋南各依品級東西序立。候鳴鞭訖，以次隨行至丹墀內東西相向序立。守衛官先行禮畢，東西序立。文武官入班行禮。有事者以次進奏。無事奏者隨卽入班朝退。捲班分東西出。○近儀凡早朝鼓起，文武官各于左右掖門外序立。候鐘鳴開門，各以次進過金水橋，至皇極門丹墀東西相向立。候上御寶座，鳴鞭。鴻臚寺官贊入班，文武官俱入班。行一拜三叩頭禮。分班侍立。鴻臚寺官宣念謝恩見辭人員，傳贊午門外行禮畢。鴻臚寺官唱奏事，各衙門應奏事件以次奏訖。御史序班糾儀。無失儀官，則一躬而退。鴻臚寺官跪奏奏事畢，鳴鞭駕輿。百官以次出。○隆慶六年，定以三六九日視朝。

凡朝班序立。洪武二十四年，令禮部置百官朝班序牌，大書品級，列丹墀左右木柵之上。文武百官照品

序立侍班。○二十六年。令公侯序于文武班首。次駙馬。次伯。自一品而下。各照品級。文東武西。依次序立。風憲糾儀。官居下。朝北。紀事官居文武第一班之後。稍近上。便于觀聽。不許撓越。如有奏事。須要從班末。行至御前跪奏。不許于班內橫過。奏畢。即便入班序立。○永樂初。令內閣官員侍朝。立於金臺東。錦衣衛在西。後移下。貼御道東西對立。○景泰三年。令師保兼官品同者。立班以衙門爲次。○天順三年。奏准。凡方面官入朝。遞降京官一班序立。○嘉靖九年。令常朝官叩頭畢。內閣官于東陞。錦衣衛官于西陞。各以次陞立于寶座之東西。錦衣衛官在司禮監官之南。遇有欽差官及四夷人等領勅。翰林院詹事府左右春坊司經局堂上官輪流一人捧勅。立于內閣官之後。稍上。候領勅官面辭。捧勅官下立于御前。候承旨訖。由左陞而下。循御道邊行。授與領勅官。仍回至本班立。○萬曆三年。題准。常朝該日記注起居史官四員。列于東班各科給事中之上。稍前。以便觀聽。○四年。議准。五府都督官常朝班次不當。入侯伯班。仍照殿班立。于錦衣衛官之後。稍上。待錦衣衛堂上官詣金臺邊。北司官于臺下各侍立。仍與南北司無執事官同班。而序于其上。

凡人朝次第。洪武二十四年。令朝參將軍先入。近侍官員次之。公侯駙馬伯又次之。五府六部又次之。應天府及在京雜職官員又次之。○成化十四年。令朝參官員遇鼓起時。俱于左右掖門外拱候。東西班次。照依衙門品級序。其進士各照辦事衙門次序。立于見任官後。



凡糾舉失儀。洪武初。令百官有未閑禮儀。新任及諸武臣。聽侍儀司官。每日于午門外演習。御史二員監視。有不如儀者。糾舉。百官入朝。失儀者。亦糾舉如律。○又令朝班每日都察院輪委監察御史二員侍班。糾察失儀。○弘治十二年。令朝班內。或言語喧譁。及吐唾在地者。許序班拏送御前請處。該奏請者。具本奏請。○十四年。令早朝遇雨。門上奏事。糾舉失儀人員。序班一員。拏住一員。門上面奏。○嘉靖元年。奏准失儀官員。應面糾者。御史照舊先糾。若御史不糾。許序班糾。但不許越次。○六年。令凡奉天門早朝畢。聖駕下階南行。兩班官員。不許輒便退班。與御轎並行。亦不許吐唾語話。序班往來巡視。有違犯者。堂上官具奏。其餘即時拏赴御前治罪。○十年。題准六科每月給事中二員。凡遇開朝。與糾儀御史及鴻臚寺官同行查點。○十一年。令朝參官不遵禮法者。三品以上具奏處治。其餘即時拏奏。鴻臚寺官通同不行糾舉一體治罪。○萬曆四年。議准予左右掖門內各設序班。分立東西。與原設催促入班序班二員。一同糾察。有喧譁說話者。即時記認。候奏事畢。一併糾舉。○十一年。令于金水橋邊增設序班三員。北向站立。俟東西兩班站定。各于班末熟視。有回顧耳語咳嗽吐唾者。即時糾舉。其京堂四品以上翰林院學士及領勅官。俱不面糾。○十二年。議令吉服朝參日期。除祭祀齋戒不面糾外。其餘照常糾儀。○又令參將見朝在京營者。照京官儀不贊跪。在外者。照外官儀贊跪。失儀俱面糾。

【午朝儀】

景泰初定

凡午朝上御左順門先期內官設御座于左順門之北設案稍南文武執事奏事等項官員俱于左掖門內伺候駕出視朝各官照班次序立內閣并五府六部奏事官六科侍班官俱于案西序立侍班御史二員序班二員將軍四員俱于案南面北立鴻臚寺鳴贊一員于案東面西立錦衣衛鴻臚寺堂上官于奏事官班以次面東立管將軍官并侍衛官立于將軍之西五府六部等衙門官照依衙門次第出班奏事通政司官照依常例引入奏事三法司官遇有奏事俱隨班其常日答應內刑部大理寺郎中等官各一員答應都察院侍班御史答應其餘衙門官有事者分管答應鴻臚寺官贊奏事畢徹案各官退各衙門如有機密重事許赴御前具奏○二年令午朝翰林院先奏事○萬曆三年題准午朝該日記注起居史官四員列于御座西稍南

【忌辰朝儀】

凡遇各廟忌辰上服淺淡服御奉天門視事不鳴鐘鼓百官各服淺淡服黑角帶朝參其謝恩見辭官具公服如常儀○永樂元年奏定前二日上服淺淡服御西角門視事宣德十年仍改奉天門視事不鳴鐘鼓不行賞罰不舉音樂禁屠宰文武百官各具淺淡服黑角帶朝參○二年令今後輟朝誦經等事不必行○宣德三年令凡遇忌辰通政司禮部兵馬司免引囚奏事○五年勅淳皇帝淳皇后忌日官員朝參輟奏事高皇

帝高皇后文皇帝文皇后昭皇帝忌辰悉輟朝參。○正統三年正月初三日恭遇宣宗章皇帝忌辰令陞殿朝參如常儀。○弘治十四年令遇忌辰朝參官不許服紵絲紗羅恭仁康定景皇帝恭讓章皇后忌辰如遇節令服青綠花樣宣宗章皇帝忌辰如遇奏祭祀許服紅。○嘉靖元年奏准正月初三日宣宗章皇帝忌辰二月十九日恭仁康定景皇帝忌辰十一月初五日恭讓章皇后忌辰許穿青紵絲。○隆慶元年題准凡遇忌辰文武百官不問內外班行謝恩見辭俱淺淡服色烏紗帽黑角帶不許用公服。

### 【輟朝儀】

凡聞皇妃喪輟朝三日發引下葬各免朝一日親王喪輟朝二日公主喪及下葬各輟朝一日郡王及文武大臣喪年終類輟朝一日先期禮部具奏仍出告示于長安左右門至日早朝不鳴鐘鼓不鳴鞭不設儀仗文武百官各服淺淡服黑角帶于奉天門朝參其謝恩見辭官員亦不用公服如常朝官服色。

### 【諸王朝見儀】

#### 洪武二十六年定

凡各王入朝行八拜禮常朝一拜叩頭禮凡伯叔兄見天子在朝行君臣禮于便殿內行家人禮伯叔兄坐東面西坐受天子四拜伯叔兄就于受禮位坐天子居正中南面坐以尙親親之義存君臣之禮。

### 【外戚朝見儀】

洪武二十六年定

皇后父見上行君臣禮。后見父母。行家人禮。皇太子見皇后父母。皇后父母立于東西向。皇太子立于西東向。行四拜禮。皇后父母立受兩拜。答兩拜。

【百官朝見儀】【出入等儀附】

凡百官朝見。洪武二十六年定。稽首頓首五拜。乃臣下見君上之禮。先拜手稽首。四拜後一拜叩頭成禮。稽首四拜者。百官見東宮親王之禮。其見父母亦行四拜禮。其餘官長及親戚朋友相見。止行兩拜禮。凡謝恩見辭。洪武二年。令在京文武官有故告假及出使。皆奉辭。還皆奉見。而奉特旨授官及除授內外百職。皆即時謝恩。到任之日。仍望闕行禮。省選者亦到任日望闕行禮。或除郡縣官。給賜銀物。聽宣諭者。皆總行謝禮。俱五拜三叩頭。其應合謝恩見辭及應免者詳見鴻臚寺○又令凡早朝謝恩見辭人員。都察院輪委監察御史二員侍班。○凡謝恩者居先。見者次之。辭者又次之。俱行五拜三叩頭禮。○凡內外諸司文武官員已入流者。謝恩見辭。必具公服行禮。○凡朝覲進表箋。官員見辭謝恩。俱用公服。如面除而不及具服。即時謝恩者。勿拘。其或常服見者。綴班後。如以軍務遠來及承制使還。即時引見者。不在此例。○凡在外諸司遣人來朝及朝使還京者。俱先朝見。後詣所司。否者以違制論。○永樂六年。奏准在外軍民官司及各王府公差人員。在京公侯駙馬伯都督及內官出使隨帶人員。并各衛所等衙門公差人等。到京除例該引見。

者照舊外。其不在常例者。俱赴鴻臚寺報名。謝恩見辭。本寺將各人姓名附簿。仍將各起總數。每日早另具題本進呈。及引各人于承天門外行叩頭禮。今在午門前行禮。○二十二年。令凡方面大臣來朝。鴻臚寺卽皆引見。○宣德九年。令在外各衙門官吏人等。該謝恩者。許在本處望闕謝恩。其有事赴京朝見。待有明文方許。○成化間。奏准。凡謝恩見辭。應該鴻臚寺報名官員。俱用報單。或親自赴寺。或差人遞報。各從其便。○凡病痊官員。舊例免見。以後惟文官四品以上。及翰林院學士。尙寶司。六科都給事中。武官公侯伯都督。及駙馬。儀賓。錦衣衛指揮等官。患病過三日者。俱公服于午門外行朝見禮。若大臣曾蒙遣醫調治。并賜物慰問者。行禮後仍面謝。大臣考滿有賜者同。

凡出入。洪武二十六年定。文武百官出入朝門。各照品級第加遜敬。如一品以下官。遇公侯駙馬加敬禮。立則旁立。行則後從。三品四品官。遇一品官。加遜禮。行立俱後從。五品以下官。倣此。俱不許撓越失儀。如有宣召。不在此限。○又定官員入朝門。須要拱手端行。威儀整肅。不許私揖及吐唾不敬。○又令入朝行立坐食去處。不許談笑喧譁。指畫窺望。

凡行走。洪武初。令百官早朝入班行禮。及朝退捲班。俱分文東武西。不許徑越御道東西行走。如在奉天門朝。其有事東西往來者。出至金水橋南行過。○二十六年。令大小官員。隨從上位行丹墀。身常朝北。不許南向。或左或右環轉隨侍。如上位陞奉天門及丹陛。其隨從官員。不得徑行中道。并王道。如有旨令行。

方許于側邊隨行。○又令官員人等入內府合行門道，須從邊行，不得當中。如東門近東邊行，西門近西邊行，其門東西相向者，近南邊行。如遇雨雪免朝，有事奏者，不拘此限。○又令奉天殿丹陛中三道階級，并奉天門中三道階級，皆不許人行。百官由東西階行，傳制遣使持節進表等儀，皆由東階出入，隨駕傘扇儀仗由正門中道兩旁出入。○又令殿廷頒降詔書冊命，從中道中門出，近東而行，其內外官員齋捧御製文字及御用之物進呈，不許直行中道，或左右取便以行。至御前正中跪進御膳等物，亦不可當中道直行。許正道邊左以進，凡御座處卽爲正道。如上御奉天門，則于正門邊東入，將至御前正中供具，膳畢而出，亦如之。若上常所往來處，其奉御內侍捧執御用之物聽使令者，皆須近後取便左右行，不許隨後徑馳中道。

凡聽諭，洪武二十六年，令百官朝參，遇有聖諭教戒，須要專心致意，拱聽分明，省身克己，不許放肆。○二十九年，令凡有聖諭，大小百官于丹陛前或奉天門各照品級序立，候上御座跪聽。凡受賜，洪武三年，令以所賜物先置奉天門內，乃引其人入見，聽宣諭然後給之，就令謝恩而去。○八年，令朝官受賜于御前跪受，如衣則服以拜賜，皆五拜叩頭，在官受賜者，初行四拜，受賜後四拜。凡賜坐，洪武初，令凡朝退燕閒及行幸處，文職三品以上，武職二品以上，及勳舊文學之臣，賜坐，其餘非奉特旨，不許輒坐。○二十六年，令文武官御前侍坐，遇有大小官員奏事，必須起立，候奏事畢復坐，不許

倨坐失儀。如有特旨賜坐。則復坐。○又令凡賜坐不許推讓。坐後遇有顧問。初時跪對。畢。卽坐。若復有所問。坐朝上對。不必更起。同列侍坐。或被顧問。一人奏對。餘皆靜聽。毋攙言勦說。如各有所見。候其人言畢。方許前陳。○又令執政大臣年高者。取自特旨免朝。倘有顧問。于便殿賜坐。

凡雜儀。洪武初。令百官既具朝服。公服之後。毋舉笏行私禮。○又令朝參。近侍病嗽者。許卽退班。或一時眩暈及感疾。不能待立者。許同官掖出。○又令百官入朝。遇雨雪。許服雨衣。○又令文武官除本等紗帽外。遇雨雪。許戴雨帽。公差出外。許戴帽子。入城不許。其公差人員出外者。亦如之。○成化十三年。奏准。文武官員入朝。大臣常川許帶官吏頭目。每人二名。若遇陰雨。大臣添一人。小官許帶一人。各執雨具。○近例。朝覲外官。及舉監人等。不許擅帶煖耳入朝。

### 【諸司奏事儀】

凡早朝奏事。洪武二十九年。定。凡上御奉天門。百官行叩頭禮畢。分東西班序立。儀禮司依次贊某衙門奏事。奏畢。復入班。候諸司奏完。儀禮司贊奏事畢。退出。其奏事次第。一都督府。二十二衛。三通政司。四刑部。五都察院。六監察御史。七斷事司。八吏部等五部。九應天府。十兵馬司。十一太常寺。十二欽天監。若太常寺奏祭祀。則在各衙門之先。○又令凡上御奉天華蓋。謹身殿奏事。百官行叩頭禮畢。近侍官及監察御史。陞殿侍班。其奏事官俱陞殿分東西班立。儀禮司依次贊某衙門奏事。奏畢。各官以次退出。其餘官

員不陞殿者俱于中左中右門外兩廊伺候。奏事官出則皆出。若于文華殿啓事。則詹事府在先。餘依奏事次第。○永樂七年。令大寒早朝。上御奉天門。百官行叩頭禮。侍班俟鴻臚寺官引謝恩。見辭人員行禮畢。駕輿御右順門內便殿。百官有事奏者以次入奏。無事者退治職務。○正統七年。令凡看牲及遣祭官。遇聖駕陞殿。俱于殿中復命。若御奉天門視事。亦于百官未行禮之先復命。○成化元年。令每日早朝。各衙門并公差官員具本面奏。及通政司類進本狀。各具手本。備開所奏事件。送禮科收照。次日將收到奏目并各衙門送到奏題本狀。通具奏目。送司禮監交收。以候類進。

凡晚朝奏事。洪武二十九年定。凡晚朝。惟通政司六科給事中守衛官奏事。各衙門有軍情重事許奏。餘皆不許。○永樂四年。令六部及近侍官有事當商權者。皆于晚朝陳奏。凡奏啓事目。洪武二十八年定。

五軍都督府合奏啓

軍情

機密

守衛門禁等事

修築城池改設衛所



賞賜

馬匹關換轉銷等項

提問軍職

整點大軍

官員房屋

調撥官軍及陞調隊伍

內外軍官奔喪遷葬祭祀

旗馬併銷陞用

月報爲事軍官

官軍有弟姪兒男爲事充軍告完喪

關領軍器

給配爲奴人口告給聚

提取邊境恩軍

查理軍士回話

軍官替職未及六十歲者各都司年終回銷未完勘合官吏

還鄉老幼軍屬

首告收藏軍器

知在原告患病在逃病故

五軍所屬在京衛分凡奏啓事務除軍中機密事情及守衛門禁關防等事不分官旗軍人許令徑奏其餘合行事務俱由該府具奏施行

吏部合奏啓

除授官員陞調改除黜陟

開設革併衙門

襲爵封贈

誥勅散官

土官承襲

致仕官員

貼黃

給由起服考覈給假官員

監生問事吏員書寫告出仕

放回事故人材秀才

官員人等告侍親殘疾

送問五品以上官員

起取人材秀才

官員復姓更名

官員告極刑

吏告重役

京官并問事書寫人告丁憂

進人材秀才冊

戶部合奏啓

歲奏會計稅糧馬草

改撥糧儲

賑濟饑民

賞賜

水旱災傷

拋荒田土除豁稅糧

僱運邊方糧儲

調撥官軍屯種

爲事官軍告免追該扣俸糧

給散煎鹽工本

預備糧儲

提問在外五品以上官員在京官員

原告病故拖欠并侵盜錢糧追徵無納

歸併州縣點闡戶口

欽給官民房屋田地

各處盤點糧斛

禮部合奏啓

賞賜

軍官祭祀

建言

表箋

災異

旌表

科舉

四夷進貢

鑄降印信

罷閒事故生員

雨澤

日月交食

曆日

館待賓客

侍親

遣官祭祀

爲格爲例

冠婚喪祭

外國請求

考究禮儀制度

廚役告事故

下程鈔錠

僧道度牒

兵部合奏啓

選用軍職陞調襲替除降等項

軍務

誥勅封贈

馬政送收關換整點調撥

優給

貼黃

符驗

陞用總小旗

整點大軍

開設衙門

優給軍役等項

調撥官軍

整理驛傳

投充力士校尉

軍職官員家人投軍

軍官軍人告給正軍

塚集首報查理軍士

旗軍勘合由帖

給賞

軍官復姓更名

原告逃故

護衛軍旗及邊衛恩軍有犯提取

提問軍職併在京文職及在外文職五品以上官

刑部合奏啓

追問黨逆

處決重囚

犯法軍官

送問并申訴回話等項

首黨逆原告實引賞發落犯人涉虛抵罪踈放被誣者

提問軍職併在京文職及在外五品以上官

各衙門盤獲犯屬



提邊遠恩軍

病故原告并被問軍官

追贓不足家屬

綁縛民害等項得實引賞原告發落犯人

抄割人官馬贏

編發恩軍工役囚人進冊

工部合奏啓

水利水害

修築河岸橋道

在外脩理城池衙門公廨倉廩等項營造支用官物差撥軍民人匠

在京在外衛所營造及修理船隻關支一應物料

成造軍器軍裝

關支軍器

賞賜

收買牛隻農具

各處差人解納銅鐵等項顏料門上秤折

起差均工人夫

提到工役故囚補役戶丁告單丁田糧重大老疾及有充軍

在京住坐倉腳夫老疾告回原籍

都察院合奏啓

處決重囚

追贓不足家屬

追問拜申訴回話

追問黨逆

病故原告及軍官相視

抄割等項入官馬羸

賞賜

犯法軍官

點差御史

提取邊軍

提問軍職并在外文職五品以上官在內京官

大理寺合奏啓

引奏軍官

日奏審過刑名月奏囚數

軍官應合襲廕子孫并授封祖父母父母妻有犯

駕前將軍力士校尉有犯重罪并二次犯罪者

文職官類奏。逐日先將發審奏本奏送該科。公文立案。回報該衙門。先將其餘人數依律發落。有

司人流官員類奏。

覆奏重刑

各衙門二次番異三次擬罪不當。或將易于歸結事理。淹禁日久。致令原告并平人身死。及問事

顛倒是非。并發審奏本不如式等項。送問原問官吏。

五軍斷事官合奏啓

後革斷事官

追問黨逆

送問并伸訴回話

軍官原告患病及病故

提問軍職并在外文職五品以上官在內京官。

抄劄等項入官馬廐

給賞

犯法軍官

提取邊軍

處決重囚

追贓不足家屬

十二衛合奏啓

內除軍中機密事情及守衛門禁關防等事。不分官旗軍人許令徑奏。其餘合行事務自下而上。俱由本衛具奏。

軍中機密事情

守衛門禁等事

整點大軍

馬匹關撥轉銷等項

關支一應賞賜

官員房屋

調撥官軍隊伍

官員奔喪遷葬祭祀

關領軍器

還鄉老幼軍屬

旗軍併鎗陸用

首告收藏軍器

月報官軍馬贏

給配家小

凡不合奏啓止呈該衙門施行

軍官替職

勾補逃亡事故等項軍士

病故軍職官員

老疾不堪應役無丁旗軍

還官賞賜鹽糧

倒死馬羸驢肉臟

軍官缺員

貼黃給誥出姓更名

缺首領官吏

幼軍收充正軍

老軍代役

收受倉糧草料放支等項錢糧文卷差錯遺漏送法司

奸盜詐僞人命鬪毆相爭一切詞訟連狀送斷事官理問如有干礙軍職斷事官具奏提問

凡奏事儀節洪武三年定凡百官奏事皆跪有旨令起卽起進退皆以次毋得撓越○凡諸儒臣于御前

奏事或進呈文字，恐有口氣體氣，須退立二三步，毋輒近御案，立須于東西隅，不得直前。○凡上位行立去處，諸人不得輒使奏事跪拜，必候坐定方許奏事，行禮須要取便北向。○二十六年，令凡百官御前奏對，務必從實，知則爲知，不許妄對。

凡奏啓限制，洪武二十五年，令凡差使人員，除王府并軍前差到及緊要軍務奏聞外，其各衙門催辦公事勾軍提人等項，復命人員如有事務不完等項，該科批寫緣由，送各該衙門整理，及各衙門一應編號手本送該科，皆不必煩奏。○二十九年，令朝班奏啓事務，除五府六部都察院通政司斷事官十二衛，照依定例具本奏啓，其餘官員軍民人等，若有事奏儀禮司打點，六科給事中各一員，每日于午門外，照依該管事務總收奏狀人奏，監察御史一員，公同看視，其有不經由各該官員將自己瑣碎事務徑自奏啓，紊煩者罪之。○三十年，令通政司許早晚朝奏事及有軍情重事不時入奏，其各衙門凡有一應事務止于早朝大班內奏啓，不許朝退又將瑣碎事務于右順門題奏。○永樂八年，令各衙門行過事件，誤違舊制者，許其改正具本送該科，不必面奏。

凡題本覆奏，永樂二十二年，令諸司有急切機務不得卽面陳者，許具題本封進，其餘大小公私之事，并于公朝陳奏。○成化元年，令一應奏題本有旨意者，六部都察院等衙門抄出，卽明白覆奏發落，不許稽緩，若過五日不覆奏者，該科以聞。

凡在京文武衙門奏題本謹封完備，俱差屬官捧入左順門進呈。

【諸司朝覲儀】

凡天下諸司朝覲官，自十二月十六日爲始，鴻臚寺官陸續引見。二十五日以後，每日常朝，方面官入至奉天門前，隨班行禮畢，于文班內序立。視常朝官品級各降一等。知府、知州、知縣及諸司首領官吏、土官衙門把事、土吏人等，俱于午門外行禮畢，東西分班序立。正月初一日大朝會以後，方面官于奉天殿前隨班序立。知府以下奉天門金水橋南，仍分東西序立。其行禮俱如常朝儀。○萬曆五年定，凡朝覲兩京府尹、行太僕寺苑馬寺卿布按二司，俱于十二月十六日朝見。外班行禮畢，由右掖門至御前，鴻臚寺官以次引見。其鹽運使及府州縣有司官吏，浙江、江西、十七日，山東、山西、十八日，河南、陝西、十九日，湖廣、南直隸、二十日，福建、四川、二十一日，廣東、廣西、二十二日，雲南、貴州、二十三日，北直隸、二十四日，各朝見外班行禮畢，仍至御前，鴻臚寺官引見。如遇是日免朝，各官止于外班行禮，候御朝之日，仍補行引見禮。二十五日以後，例該常朝，除兩京府尹、照京官品級一體行禮序立外，其行太僕寺苑馬寺卿布按二司人至皇極門前，隨班行禮畢，于文班內序立于京官之下，各以次遞降一等。知府、知州、知縣及諸司首領官吏、土官衙門把事、土吏人等，午門外行禮畢，東西分班序立。正旦朝賀，各官俱入殿前行禮，其餘陞殿日期行太僕寺苑馬寺卿布按二司，仍于殿前隨班各降一等序立。鹽運司知府以下于金水橋北東西序



立其行禮俱如常儀。○凡朝覲官見辭謝恩，不論已未人流，各具公服行禮。正旦朝賀，各具朝服，但不許僭着朱履。凡遇常朝，俱穿本等錦繡服色。○凡獎賞廉能，先期內官設御座于會極門之北，設賞案稍東。文武執事奏事等項官員，各具吉服，并序班引廉能官員，各具青錦繡服。至期俱于左掖門內斜廊面北序立。管將軍官侍衛官俱于會極門礮礮下立，候駕出上陞御座，聽傳呼。內閣并執事奏事等項官員，由大礮礮下序班引廉能官由斜廊行至東廊小礮礮下面東立，候管將軍官并侍衛官鴻臚寺掌印官以次立于御座東西向，鳴贊一員立于御座東西向，將軍四員分立于御座南北向，各立定。內閣并執事奏事等項官員至大礮礮上，鴻臚寺掌印官贊入班，各官照班次序立，鳴贊贊鞠躬，行一拜三叩頭禮畢。內閣并吏部都察院堂上官、禮部錦衣衛掌印官、吏科都給事中、掌河南道御史、禮部郎中，俱于御座西面東序立。侍班御史二員、序班二員，俱于御座南面北立。執事序班四員，于賞案稍南面西立。鴻臚寺掌印官贊奏事，贊起案。序班舉賞案置于御前稍南，贊引廉能官。序班引廉能官立于案南，照班次序立。鳴贊贊跪，廉能官跪。鴻臚寺掌印官贊吏部等衙門過，吏部都察院吏科都給事中、掌河南道御史，過中跪。吏部堂上官奏後面跪，的是廉能官。見在應朝某省某等官某等若干員，奉旨引來聽候獎賞。奏畢，起身一躬入班。鳴贊贊叩頭，廉能官叩頭，候天語獎諭。承旨叩頭，上說與他每賞賜，還與酒飯喫。鴻臚寺掌印官并禮部郎中承旨畢，鳴贊贊叩頭，廉能官叩頭畢，起身一揖一躬。序班引下。鴻臚寺掌印官贊起案。

序班舉案置于原所。吏部都察院堂上官、吏科都給事中、掌河南道御史過中跪致詞，仰惟皇上留心吏治，澤被生民，臣等不勝慶忭，叩頭稱賀。鳴贊贊叩頭。吏部等官叩頭畢，起身一揖一躬入班。鴻臚寺掌印官過中跪奏，奏事畢，候駕興，各官退。○凡大班糾劾朝覲官考察存留者，鴻臚寺官引上御路跪，法司及科道官各露章糾劾怠職之罪。朝覲官俱俯伏免冠待罪候旨，如奉旨免宥，隨即加冠叩頭，連呼萬歲。次日謝恩，仍前朝參。○凡朝覲官事完辭朝，兩京府尹、行太僕寺、苑馬寺卿、布按二司外班行禮畢，仍照前引見面辭，鹽運司知府以下等官，止于外班行禮。○七年，諭張真人方外之流，無民社寄，其朝覲免行。

【人朝門禁】

洪武十一年，詔朝參文武官給領牙牌，懸帶出入，無牌者依律論罪。借者及借與者罪同。在外來朝官于各門附名出入。○又令守門指揮千百戶日一更代，士卒三日一更代。凡內官內使出入皆用號牌，若有以兵器雜藥進者論如律。守門軍士失于覺察者罪如之。若奉駕出入，則以御史一員臨門察視。○二十一年，令朝參官員門籍各衙門自置。○景泰三年，令官員人等至皇城四門下馬牌邊橫過，俱下馬，其順行不係橫過不在禁例。○成化間，令文武官員公差患病等項，呈堂出印信手本填註門籍，候病痊及公差回還之日，仍用手本開註。○又令文武大小官員入朝，跟隨辦事官吏人等照出午門例，于長安左右門承天門端門各下小木牌進入，出則收回。○嘉靖九年，題准各文武衙門公差官員奉有勅書責限完

事及公所寫遠不便趨朝者。方許于門籍註差。仍開奉何勅書。公所係在何處。以便查考。其患病若止。係咳嗽等小疾于朝儀有礙者。量許註門籍五日。若病非旦夕可愈者。必須堂上官印信。手本開寫明白。其有累月不朝。及全司稱病者。文官聽吏科。武官聽兵科。每月終將門籍查出糾舉。其屢經糾劾。文官至三次。武官至五次。吏兵二部徑自奏聞區處。

### 【東宮朝儀】

#### 洪武間定

凡朔望日。文武百官朝退。詣文華殿門外分東西侍立。俟皇太子降殿。樂作。百官行一拜禮。其謝恩見辭。官員入等。亦隨班行禮。禮畢以次出。○十四年。令啓事東宮者。皆稱臣。○永樂二年。令文武官員常朝行叩頭禮。三師三少。詹事府官。左右春坊。司經局官。翰林院官。鴻臚寺官。六科給事中。錦衣衛官。左右序立。于文華殿門之外。鴻臚寺序班。通事舍人。引文武百官于丹陛下。丹墀內東西序立。照依衙門資次啓事。監察御史二員。司直郎。清紀郎。日輪二員。北向侍立。糾儀啓事畢。百官齊退。遇有召問。亦須前項官員一同進出。如獨進。并獨員留後者。許監察御史。鴻臚寺官。司直郎。清紀郎糾劾。○合啓事務。在京衙門止用奏本。在外衙門務要奏本一本。啓本一本。其詹事府主簿錄事。同春坊司直郎。清紀郎。司諫分爲六科。于司禮監共關揭帖。開寫。逐日啓過本內事件略節緣由。及令旨所發落大略。六科給事中亦具題帖。各另

奏進。○詹事府主簿錄事、同左右春坊司直郎、清紀郎、司諫等官遇啓事、各紀皇太子令旨。如所啓事或差譌、隨即糾劾。啓事畢、同詹事府詳審事之可否可行者、令該司批所得令旨。或事不可行及啓本內與說帖不同、不問事之大小、悉以奏聞。

# 明會典卷之四十五

禮部三

## 【登極儀】

國初登極禮儀。吳元年所定。用王禮頗略。故不載。至洪武元年。高皇正大位。其儀始詳。昭皇以儲宮嗣立。稍有所更定。累朝因之。惟肅皇自藩國入繼大統。與嗣皇異。其儀各備載于後。

## 高皇帝登極儀

洪武元年。圜丘告祭禮成。校尉設金椅於郊壇前之東南向。設冕服案于金椅前。候望瘞畢。丞相、諸大臣率百官于望瘞位跪奏曰。告祭禮成。請卽皇帝位。羣臣扶擁至金椅上坐。百官先排班。執事官舉冕服案。寶案至前。丞相、諸大臣奉袞冕跪進。置于案上。丞相等就取袞冕加于聖躬。丞相等入班。通贊唱排班。班齊。鞠躬。樂作。拜興。拜興。拜興。平身。樂止。百官拜興如之。通贊唱班首詣前。引禮。引丞相至上位前。通贊唱搢笏。丞相跪搢笏。承傳唱衆官皆跪。百官跪。捧寶官開蓋取玉寶。跪授丞相。丞相捧寶上言。皇帝進登大位。臣等謹上御寶。尙寶卿受寶收入蓋內。通贊唱就位。拜興。平身。百官拜興如之。通贊唱復位。引禮官引丞相自西降復位。通贊唱鞠躬。拜興。拜興。平身。搢笏。鞠躬。三舞蹈。跪左膝。三叩頭。山呼。山呼。再山呼。跪右膝。出笏。贊俯伏興。平身。鞠躬。拜興。拜興。拜興。拜興。平身。皇帝解嚴。通贊唱捲班。百官退。禮畢。具鹵。

簿導從詣太廟奉上冊寶。追尊四代考妣，仍告祀社稷，還具袞冕，御奉天殿。百官上表稱賀。前期侍儀司設表案于丹墀中內道之西北，設丞相以下百官拜位于內道上下之東西，每等異位重行。北面捧表官、宣表官、展表官位于表案之西，東向。糾儀御史二人位于表案之南，東西相向。宿衛鎮撫二人位于東西陛下，護衛百戶二十四人位于宿衛鎮撫之南稍後。知班二人位于文武官拜位之北，東西相向。通贊、贊禮二人位于知班之北，通贊在西，贊禮在東。引文武班四人位于文武官拜位之北稍後，皆東西相向。引殿前班二人位于引武班之南，舉表案二人位于引武班之北，舉殿上表案二人位于西階之下，東向。其丹陛上設殿前班指揮司官三員，侍立位于陛上之西，東向。宣徽院官三員，侍立位于陛上之東西向。儀鸞司官位于殿中門之左右，護衛千戶八人位于殿東西門之左右，俱東西相向。鳴鞭四人列于殿前班之南北向。將軍六人位于殿門之左右，天武將軍四人位于陛上之四隅，皆東西相向。殿上尚寶司設寶案于正中，侍儀司設表案于寶案之南。文官侍從班起居注、給事中、殿中侍御史、尚寶卿位于殿上之東西向。武官侍從班懸刀指揮位于殿上之西，東向。受表官位于文官侍從班之南，西向。內贊二人位于受表官之南，捲簾將軍二人位于簾前，俱東西相向。是日清晨，拱衛司陳設鹵簿，列甲士于午門外之東西，列旗仗于奉天門外之東西。龍旗十二分，左右用甲士十二人，北斗旗一纛，一居前，豹尾一居後，俱用甲士三人，虎豹各二，馴象六分，左右布旗六十四，門旗、日旗、月旗、青龍、白虎旗、風雲雷雨江河淮濟旗。

天馬、天祿、白澤、朱雀、玄武等旗、木、火、土、金、水五星、五嶽旗、熊旗、鸞旗及二十八宿旗、各六行、每旗用甲士五人、一人執旗、四人執弓弩、設五輅于奉天門外、玉輅居中、左金輅、次革輅、右象輅、次木輅、俱並列丹墀左右、布黃麾仗、黃蓋、華蓋、曲蓋、紫方傘、紅方傘、雉扇、朱團扇、羽葆幢、豹尾、龍頭竿、信旛、傳教旛、告止旛、絳引旛、戟、斃、戈、斃、儀、鎧、斃等、各三行、丹陛左右、陳幢節、響節、金節、燭籠、青龍、白虎、幢班、劍、吾仗、立瓜、臥瓜、儀刀、鎧杖、戟、骨、朵、朱雀、玄武幢等、各三行、殿門左右、設圓蓋一、金交椅、金腳踏、水盆、水罐、團黃扇、紅扇、皆校尉擊執、侍儀舍人二人、舉表案入就殿上、鼓初嚴、百官具朝服、次嚴、各依品從齊班于午門外、以北爲上、東西相向、通班贊禮、及宿衛鎮撫等官入就位、諸侍衛官各服其器服、及尙寶卿侍從官入、鼓三嚴、丞相以下文武官以次入各就位、皇帝袞冕陞御座、大樂鼓吹振作、樂止、將軍捲簾、尙寶卿以寶置于案、拱衛司鳴鞭、引班引文武百官入丹墀拜位、北面立、初行樂作、至位樂止、知班唱班齊、贊禮唱鞠躬拜、樂作、四拜興、平身、樂止、捧表以下官由殿西門入、內贊唱進表、捧表官捧表跪進于案前、受表官搢笏跪于案東、受表置于案、出笏興、退立于殿內之西、東向、內贊唱宣表、宣表官詣案前、搢笏取表、跪宣于殿內之西、展表、官搢笏同跪、展宣訖、展表官出笏一人、以表復置于案、俱退立于位、宣表官俯伏興、同捧表以下官出殿西門、降自西階復位、贊禮唱鞠躬、樂作、四拜、樂止、唱搢笏鞠躬三、舞蹈、唱跪唱山呼、各拱手加額呼萬歲者三、樂工軍校齊聲、擊鼓應之、唱出笏、俯伏興、樂作、四拜、賀畢、遂遣官冊皇后、冊立皇太子、以卽位詔

告天下。

昭皇帝登極儀宣德以後同

永樂二十二年七月。公侯駙馬伯文武百官及軍民耆老等上箋勸進者三。令旨俞允。乃命禮部擇日具儀。先期司設監等衙門于華蓋殿陳御座于中。仍于奉天殿設寶座。欽天監設定時鼓。尙寶司設寶案于奉天殿。鴻臚寺設表案于丹陛上。教坊司設中和韶樂。設而不作。鴻臚寺設詔案。及錦衣衛設雲蓋雲盤于奉天殿內東。別設雲蓋于承天門上。設雲輿于午門外。設宣讀案于承天門上西南向。是日早遣官祇告天地宗廟社稷。上具孝服設酒果親詣大行皇帝几筵前。祇告受命畢。卽于奉天殿前設香案酒果等物。具冕服行告天地禮。隨赴奉先殿謁告祖宗畢。仍具袞冕詣大行皇帝几筵前。行五拜三叩頭禮。畢。詣母后前行五拜三叩頭禮。畢。詣奉天殿卽位。是日早鳴鐘鼓。錦衣衛設鹵簿大駕。上服袞冕御華蓋殿。文武百官各具朝服入丹墀內。候鴻臚寺引執事官進至華蓋殿行禮畢。贊各供事。奏請陞殿。上由中門出陞寶座。錦衣衛鳴鞭。文武百官上表稱賀。上命百官免賀。免宣表。止行五拜三叩頭禮。成化以後執事官進至華蓋殿將行禮時卽傳旨百官免賀。百官出至承天門外。候翰林院官齋詔書用寶訖。鴻臚寺官請頒詔。翰林院官捧詔授禮部官。由奉天殿左門出。錦衣衛于午門前候捧詔置雲蓋中。導至承天門開讀。行禮如常儀。

肅皇帝登極儀



正德十六年三月十四日。奉武宗皇帝遺詔。迎上入承大統。次日皇親駙馬。司禮監。太監。內閣大學士。禮部尚書等官。齋捧詔諭金符。馳詣安陸藩府奉迎。內官監工部蓋行殿于宣武門外。南向。司設監設帷幄。御座于中。尚衣監備翼善冠服。錦衣衛備鹵簿大駕以候。四月二十一日早。文武百官出郊。各具青綠錦繡服。迎駕入行殿。朝見行四拜禮。明日卽皇帝位。先期司設監設御座于華蓋殿。設寶座于奉天殿。欽天監設定時鼓。錦衣衛設鹵簿大駕。尚寶司設寶案于奉天殿。鴻臚寺設表案于丹陛上。教坊司設中和韶樂。設而不作。鴻臚寺設詔案。錦衣衛設雲蓋雲盤于奉天殿內之東。別設雲蓋于承天門。設雲輿于午門外。設宣讀案于承天門上西南向。至日遣官祭告天地。宗廟。社稷。駕由大明門入。至文華殿省定詔草。欽改年號畢。設酒果于大行皇帝几筵前。上具素服謁告畢。設香案酒果等物于奉天殿丹陛上。上具袞冕服行告天地禮畢。詣奉先殿。奉慈殿謁告畢。仍詣大行皇帝几筵前行禮畢。詣慈壽皇太后。莊肅皇后前。各行禮畢。上御華蓋殿。文武百官各具朝服入丹墀內序立。鴻臚寺引執事官進至華蓋殿。傳旨百官免賀。止行五拜三叩頭禮。傳畢。贊執事官行禮。贊各供事。鴻臚寺正官跪奏請陞殿。上由中門出陞寶座。錦衣衛鳴鞭。欽天監報時。鴻臚寺贊行五拜三叩頭禮訖。百官出至承天門外。俟翰林院官齋詔用寶訖。鴻臚寺官奏請頒詔。翰林院官捧詔授禮部官。由奉天殿左門出。錦衣衛于午門前候捧詔。置雲蓋雲盤中。導雲輿至承天門開讀。行禮如常儀。



# 明會典卷之四十六

禮部四

## 【册立一】

册立有中宮、有東宮、有親王、及妃嬪公主。歷朝儀各不一。今詳書之。而附皇子女誕生命名之儀于後。

## 【皇后册立儀】

册后之禮。洪武初不預祭告。不特頒詔。永樂始舉行。而嘉靖又詳謁廟之儀。至隆慶大備已。

洪武初定

## 遣使册立

前期一日。內使監設御座于奉天殿。如常儀。尚寶卿設御寶案于御座前。侍儀司設册寶案于御寶案之南。册東寶西。設奉節官位于册案之東。設掌節者位于奉節官之左。稍退俱西向。設承制官位于奉節官之南。西向。設奉册寶官位于册寶案之西。東。又設副使受制位于橫街之南。北向。東上。設承制官宣制位于使副受制位之北。西向。設奉節官奉册寶官位于使副東北。西向。又設使副受册寶褥位于受制位之北。北向。典儀二人位于丹陛上之南。贊禮二人位于使副受制位之北。知班二人位于贊禮之南。俱東西相向。設文武百官侍立位于文武樓之北。文武侍從班位于殿上之左右。引文武班舍人四人位于

文武官之北稍後。引禮二人位于使副之北。拱衛司宣徽院官對立。位于奉天殿門之左右。俱東西相向。將軍二人位于殿上簾前。將軍六人位于奉天門之左右。又將軍四人位于丹陛上之四隅。又將軍六人位于奉天殿門之左右。俱東西相向。鳴鞭四人位于丹陛上北向。是日金吾衛陳設甲士儀仗于午門外之東西。拱衛司陳設儀仗于丹陛丹墀之東西。和聲郎設樂位于丹墀之南。禮部設龍亭儀仗大樂于奉天門外正中。以俟迎送冊寶至中宮。贊明鼓初嚴。催班舍人催百官具朝服。導駕官侍從官入迎車駕。次嚴。引班舍人引文武百官入就侍立位。引禮引使副具朝服入就丹墀受制位。諸執事者各就位。三嚴。侍儀奏外辦。御用監奏請皇帝服袞冕御輿以出。尙寶卿前導。侍從警蹕如常儀。皇帝將出。仗動。大樂鼓吹振作。至奉天殿陛御座。樂止。尙寶卿以寶置于案。捲簾鳴鞭。報時雞唱訖。禮部官捧冊寶各置于案。奉節官奉制官奉冊官奉寶官及掌節者各入就殿上位。西向立定。舉冊寶案四人入立于奉冊奉寶官之後。典儀唱鞠躬。樂作。四拜。平身。樂止。承制官進詣御座前跪奏。請發皇后冊寶。承制訖。由中門出。中陛降至宣制位。稱有制。典儀唱跪使副跪。承制官宣制曰。冊妃某氏爲皇后。命卿等持節展禮。宣訖。由殿西門入。復位。贊禮唱俯伏。興。奉冊奉寶官率執事者舉冊寶案。由中門出。中陛降。奉節官率掌節者前導。至使副受冊寶褥位。以案置于褥位之北。冊東寶西。掌節者脫節衣。以節授奉節官。奉節官搢笏受節。以授冊使。冊使搢笏跪受。以授掌節者。掌節者跪受。興。立于冊使之左。奉節官出笏退。引禮引冊使。詣受冊褥位立。

定奉册官搢笏就案取册以授册使。册使搢笏跪受册。復置于案。奉册官及册使皆出。笏退復位。引禮引副使至受寶。副使奉寶官搢笏就案取寶以授副使。副使搢笏跪受寶。興復置于案。副使及奉寶官皆出。笏退復位。典儀唱鞠躬。樂作。四拜興。平身。樂止。引禮引册使押册。副使押寶。掌節者前導。舉案者次之。初行。樂作。出奉天門。樂止。掌節者加節衣。奉册寶官皆搢笏。詣案取册寶。安置龍亭中。奉册寶官退。執事者舉案退。儀仗大樂迎龍亭以行。執節者行于龍亭之前。使副行于龍亭之後。迎送至中宮門外。初册寶將出門。侍儀跪奏禮畢。皇帝興。樂作。還宮。樂止。引班引文武官以次出。

### 受册受賀

前一日。內使監官陳設皇后御座于中宮殿上。如常儀。設香案于殿庭之正中。設權置册寶案于香案之前。册東寶西。設皇后受册寶位于册寶案前北向。設司言司寶二人位于皇后位之北。設奉册寶內官位于册寶案之南。設讀册寶內官位于奉册寶內官之南。設內外命婦位于庭下左右。俱東西相向。又設內外命婦賀位于殿中北向。尙儀二人位于皇后拜位之北。司贊內官二人位于內外命婦立位之北。俱東西相向。又設權置册寶案于中宮門外。設內使監令位于案之東西向。設奉册奉寶內官位于內使監令之左右稍退。俱西向。使副位于案南北向。引禮二人位于使副之前。東西相向。掌節者位于册使之後。其日所司設儀仗于殿庭之東西。擎執于殿上之左右。樂工陳樂于殿庭之南。册寶將至中宮門。尙儀奏請

皇后首飾禕衣出閣。樂作。至殿上南向立。樂止。司言司寶立于後。及冊寶至宮門。使副于龍亭中取冊寶。權置于門外所設案上。引禮引使副及內使監令俱就位立定。次引冊使于內使監令前稱冊禮。使臣某副使臣某奉制授皇后冊寶。退復位。內使監令人詣皇后殿躬言訖。出復位。引禮引內外命婦俱入就位。讀冊寶內官及司贊內官俱就位。引禮引冊使取冊授內使監令。內使監令跪受。以授奉冊內官。冊使退復位。引禮又引副使取寶授內使監令。內使監令跪受。以授奉寶內官。副使退復位。以俟宮中行禮。內使監令率奉冊奉寶官各奉冊寶以次入詣皇后受冊位前。以冊寶各置于案。冊東寶西。尙儀引皇后降詣庭中受冊位立定。侍從如常儀。司言司寶各就位。內使監令率奉冊奉寶內官取冊寶以次立于皇后之東西向。內使監令稱有制尙儀奏拜興。樂作。皇后四拜興。樂止。內使監令宣制訖。奉冊內官就案取冊授讀冊內官。讀冊訖。跪以授內使監令。內使監令跪以冊授皇后。皇后跪受訖。以授司言。奉寶內官就案取寶以授讀寶內官。讀寶訖。以授內使監令。內使監令跪以寶授皇后。皇后跪受訖。以授司寶。尙儀奏拜興。樂作。皇后四拜興。樂止。內使監令出詣使副前稱皇后受冊禮畢。使副退詣奉天殿橫街南北面西上立。給事中立于冊使東北西向。使副再拜復命曰。奉制冊命皇后禮畢。又再拜平身。給事中奏聞乃退。初。皇后受冊寶訖。尙儀引皇后陞座。引禮引內命婦班首一人詣殿中賀位。初行。樂作。至位。樂止。司贊唱拜興。樂作。班首再拜興。樂止。跪致詞曰。茲遇皇后殿下。膺受冊寶。正位中宮。妾等不勝歡慶。謹奉賀。司贊唱拜

興樂作班首再拜興樂止引禮引班首退復位引禮又引外命婦班首一人入就殿上賀位其行禮並如內命婦儀司贊唱禮畢引禮引內外命婦出初行樂作出門樂止尙儀奏禮畢引皇后降座樂作還閣樂止。

### 百官稱賀上表箋

皇后受冊禮畢至晚內使監于奉天殿陳設御座香案尙寶司設寶案于香案之北侍儀司設表案位于香案之南又設表箋案位于丹墀北之正中設文官起居位于丹墀之東南南向武官起居位于丹墀之西南東向文官拜位于丹墀中之東北每等異位重行北向西上武官拜位于丹墀中之西北每等異位重行北向東上殿前班諸執事起居位于武官起居位之北東向侍從班諸執事起居位于文官起居位之北西向殿前班指揮司官三員侍立位于丹陛上之西東向宣徽院官三員侍立位于丹陛上之東西向侍從班文官立位于殿上之東侍從班武官立位于殿上之西拱衛司官二員侍立位于殿中門之左右典牧官二員侍立位于仗馬之前東西相向受表箋內使監官一員位于丹墀表箋案之東西向宣表官一員展表官二員位于丹墀表箋案之西東向糾儀御史二人位于展表官之南典儀二人位于丹陛上之南知班二人位于文武官拜位之北俱東西相向通贊贊禮二人位于知班之北通贊在西贊禮在東引文武班舍人四人位于文武官拜位之北稍後東西相向引殿前班舍人二人位于引武班之南東

向舉表案舍人二人。位于引文班之南。西向。宿衛鎮撫二人。位于丹陛東西階下。護衛百戶二十四人。位于宿衛鎮撫之南。稍後。俱東西相向。護衛千戶八人。位于殿東西門之左右。將軍二人。位于殿上簾前。將軍六人。位于殿門之前。將軍四人。位于丹陛上四隅。將軍六人。位于奉天門。俱東西相向。鳴鞭四人。位于丹陛上之南。北向。其日金吾衛陳軍仗于午門外之東西。陳旗仗于奉天門外之東西。拱衛司陳儀仗于丹陛之東西。及丹墀之東西。陳車輅于丹墀之南。典牧官陳仗馬于文武樓南之東西。虎豹于奉天門之東西。和聲郎陳樂于丹墀文武官拜位之南。內使監官擎執于御座之左右。侍儀司舍人舉表案。人就殿上案位。舍人二人。舉表案候于午門外。文武官具朝服迎表至雲集橋。舍人引殿前班。司贊贊禮。內贊宿衛鎮撫護衛鳴鞭各入就位。侍儀侍從入迎車駕。皇帝御謹身殿。侍儀版奏中嚴。御用監官奏請皇帝服袞冕。文武官迎表至午門前。置龍亭于道中。禮部官取表函置于案。舍人舉案。禮部宣表官。展表官。押表案引承相行。文武官分班。俱由西門入。至丹墀中。禮部官押表案置于丹墀正中。各就位。文武官各入就位。起居位。侍儀奏外辦。導引皇帝御輿以出。仗動。鼓吹振作。尙寶卿捧寶前導。侍衛如常儀。皇帝陞御座。樂止。尙寶卿捧寶置于案。將軍捲簾鳴鞭。報時雞唱訖。諸侍從官殿前班。拱衛司官由西階降。引班引同宣表官。受表官。受箋內官。俱入起居位。東西相向立定。通贊唱某衛指揮。使臣某以下起居。引班唱鞠躬。躬平身。引班東西分列。至丹墀中拜位。北面立。贊禮唱鞠躬。樂作。指揮以下皆再拜興。樂止。贊禮唱指揮使稍



前。指揮使前立。贊禮唱鞠躬。指揮使以下皆鞠躬。贊禮唱聖躬萬福。唱平身。指揮使以下皆平身。唱復位。指揮使復位。唱鞠躬。樂作。指揮使以下皆再拜。樂止。通班唱各供事。引班引指揮使以下各就位。通班唱具承相銜臣某以下起居。引班唱鞠躬平身。文武官相向鞠躬平身。引班東西分引入丹墀中拜位。丞相初行樂作。至位。樂止。知班唱班齊。贊禮唱鞠躬。樂作。文武官皆四拜。樂止。贊禮唱進表箋。引班引丞相平章詣表箋案前。丞相跪捧表興。平章跪奉箋。進于受箋官。受箋內使監官接箋。入中宮啓聞。平章興。引班引復位。丞相捧表與宣表官。展表官。由丹墀西陞陞西門入至殿中。丞相跪進表于案。退立于殿南正中。內贊唱跪。贊禮唱跪。丹墀百官皆跪。內贊唱宣表。宣表官詣案取表跪讀于殿西。展表官同跪展表。宣表官宣訖。俯伏。興。展表官以表置于案。訖。內贊與贊禮同唱俯伏。興。平身。丞相與丹墀百官皆俯伏。興。平身。與宣表展表官由殿西門出西階降復位。贊禮唱鞠躬。樂作。百官皆四拜興。平身。樂止。贊禮唱搢笏。三舞蹈。跪。山呼萬歲者三。出笏。俯伏。興。樂作。四拜。平身。樂止。贊禮唱禮畢。侍儀奏禮畢。鳴鞭。皇帝興。樂作。導引還謹身殿。樂止。舍人舉表案出。引班引文武官以次出。

### 謁廟

皇后將謁太廟。皇帝先遣官用牲牢行事。告以皇后將祇見之意。其儀與時享同。祝文臨時撰定。遣官之日。皇帝降香。告官捧香至太廟告畢。皇后親行謁見。前期。皇后齋三日。內外命婦及執事內官各齋一日。

前一日執事官灑掃廟庭內外。設皇后拜位于廟門外。又設拜位于廟中香案前。俱北向。設內命婦陪祀。拜位于廟庭之南。北向。設外命婦陪祀。拜位于內命婦之南。司贊位于皇后拜位之東西。司賓位于內命婦之北。東西相向。司香位于香案之右。設盥洗位于庭階之東。司盥洗官位于位所。各廟皆如前儀。其日清晨。宿衛陳兵衛樂工備樂。尙儀備儀仗。及重翟車于中宮外門之外。陪祀外命婦各具翟衣。集于中宮內門之外。內使監官奏中殿。皇后服首飾九龍四鳳冠。褙衣。尙儀奏外辦導引皇后出內宮門。司贊奏陞輿。皇后陞輿。至外門之外。司贊奏降輿。皇后降輿。司贊奏陞車。皇后陞車。宿衛兵仗前導。鼓吹設而不鳴。次尙儀陳儀衛。次外命婦。次內命婦。皆乘車前導。次皇后重翟車。內使監人員扈從宿衛復陳兵仗于後。皇后至廟門。司賓引內外命婦。先入就殿庭東西侍立。司贊奏請降車。皇后降車。司贊引自左門入。就位。北向立。司賓引內外命婦各就位。北向立。司贊司賓各贊拜皇后及內外命婦。皆再拜興。司贊奏請行事。請詣盥洗位。引皇后至盥洗位。奏盥洗。司盥洗者酌水。皇后盥手訖。奏帨手。司巾以巾進。皇后帨手訖。司贊奏請詣神位前。引皇后由東階陞至神位前。北向立。司贊奏上香者三。司香奉香進于皇后之右。皇后三上香訖。司贊引皇后復位。司贊司賓各贊拜興。皇后及內外命婦皆再拜興。司贊奏禮畢。引皇后出自廟之左門。司賓引內外命婦出。司贊奏陞車。皇后陞車。宿衛陳儀仗。樂工陳樂。尙儀陳儀仗。內外命婦前導。侍從如來儀。過廟。鼓吹振作。還至宮之外門外。司贊奏降車。皇后降車。司贊奏陞輿。皇后陞輿。至宮之

內門外。司贊奏降輿。皇后降輿入宮。皇后受冊畢。皇帝會羣臣于謹身殿。皇后于中宮會內外命婦。其儀皆如正旦宴會之儀。

### 永樂初續定

先期三日齋戒。遣官祭告天地宗廟。用香帛酒脯。行一獻禮。前一日。禮部同鴻臚寺官設詔案于奉天殿中。節冊寶案于詔案之南。節案居中。冊東寶西。設節冊寶綵輿于丹陛之東。尙寶司設寶案。教坊司設中和韶樂及大樂。至日早。錦衣衛官設鹵簿大駕。內官設皇后受冊位于宮中。及設節冊寶案。節案居中。冊東寶西。設香案于節案之前。設內贊二人。引禮二人。設女樂于丹陛之上。上具冕服。御華蓋殿。翰林院官以詔書用寶。訖。鴻臚寺官奏執事官行禮畢。奏請陞殿如常儀。文武百官具朝服行叩頭禮。左右侍班正副使人就拜位。贊鞠躬。樂作。四拜興。樂止。傳制官跪奉傳制。俯伏興。執事官舉節冊寶案由殿左門出。置御道中。傳制官由左門出。西向立。稱有制。贊正副使跪。制曰。某年某月某日。冊妃某氏爲皇后。授以冊寶。命卿等持節行禮。贊俯伏興。樂作。四拜。禮畢。樂止。執事官舉節冊寶置綵輿中。黃蓋遮送。樂作。至奉天門。樂止。儀仗鼓樂迎節冊寶至右順門外。正副使朝北立。內官捧節冊寶由正門入。女樂導迎。節冊寶未至之前。引禮請皇后具禮服。宮人侍衛以俟。節冊寶將至。引禮導皇后出迎于宮門外。節冊寶至。由正門入。皇后隨至拜位。內官以節冊寶各置于案。樂作。內贊贊四拜。樂止。贊宣冊。贊跪。宣冊女官取冊立宣于皇

后之左。宣訖。贊受冊。贊搯圭。宣冊。女官以冊跪授皇后。受訖。以授女官。女官跪受于皇后之右。立于西。贊受寶。其授受一如冊。贊出圭。贊興樂作。內贊贊四拜。樂止。禮畢。內官持節由正門出。皇后出送于宮門外。內官至右順門。以節授正副使。報禮畢。正副使得報持節復命。翰林院官以詔書授禮部官。禮部官捧詔書于承天門。開讀如常儀。皇后受冊畢。內官先具謁告儀物。翰林院具謁告文。上率皇后皆具服。詣奉先殿行謁告禮如常儀。謁畢。皇后具服于內殿。俟上具皮弁服陞座。贊引女官導皇后詣上前就拜位。行謝恩禮。樂作八拜。樂止。贊禮畢。還宮。是日內官設皇后座于宮中。南向。設諸親諸命婦拜位于丹墀內。北向。設儀仗女樂。設內贊二人。引禮二人。引禮導長公主、公主及親王妃。俟皇后具燕服陞座。引禮引詣皇后前行八拜禮。次引六尚等女官行禮如之。次引四品以上外命婦行四拜禮。贊跪。內贊跪致詞云。妾某氏等。恭惟皇后殿下。榮膺冊命。正位中宮。禮當慶賀。致詞畢。贊俯伏。興。半身四拜。禮畢。次日親王等賀。文武百官上表。命婦上箋稱賀。皆如常儀。

天順八年增定慶賀皇太后儀

皇后謁告謝恩及受賀畢。親王于上位前行慶賀禮如常儀。次詣兩宮皇太后前。次詣皇后前。俱行八拜禮。又三日。女官預陳設慈懿皇太后御座于宮中。設香案于丹墀之南。其日清晨。內官陳設儀仗于丹墀之東西。及丹墀東西。女官擎執者立于御座之左右。陳內樂于丹陛東西。北向。設表案于殿東門外。設班

首拜位及各命婦拜位于丹墀北向。設司贊位于丹墀東西。設司賓位于命婦之北。東西相向。設內贊二人于殿內東西。命婦至宮門外。司賓引命婦入就拜位。女官具服侍班如常儀。尙宮尙衣等官詣內奉迎。尙儀奏請陞座。慈懿皇太后具禮服出。導從如常儀。樂作。陞座。樂止。司贊唱班齊。樂作。贊四拜。樂止。外贊唱進表。引表案女官前導。舉表案女官二人。由殿東門入。樂作。至殿中。樂止。贊衆命婦跪。內贊唱宣表目。女官宣訖。興。唱宣表。展表。女官詣案前。取表宣訖。興。舉案者舉案置于殿東。贊命婦皆興。司贊唱拜。樂作。四拜。樂止。尙儀跪奏禮畢。慈懿皇太后興。樂作。還宮。樂止。慶賀皇太后禮同。

### 嘉靖十三年定謁廟儀

前期太常寺奏皇帝齋三日。尙儀奏皇后及妃各齋三日。內外諸執事各齋一日。太常光祿官奏省牲如常儀。所司陳設如時禘儀。是日質明。有司整嚴以俟。錦衣衛備儀衛如常儀。內使監設皇帝皇后及妃肩輿于各宮中。皇后及妃受冊禮畢。錦衣衛進輦于奉天門。尙儀備皇后及妃翟車于輦後。以序。內使監奏中嚴外辦。皇帝皇后及妃各陞輿出宮。至奉天門。錦衣衛官奏請降輿陞輅。皇帝降輿陞輅。尙儀奏請降輿陞車。皇后及妃各降輿陞車。內外護衛儀仗隨從。內執事女官遮以幃幕。從行至太廟之大門西。奏請降輅。皇帝降輅。奏請降車。皇后及妃降車。障以龍幃。導駕官導皇帝入。皇后及妃從。至廟之後寢。先是命官捧七廟主陞神御座。退。至是皇帝捧太祖高皇帝主。皇后捧孝慈高皇后主。出陞殿之神御座。典儀唱

執事官各司其事。內贊奏就位。皇帝皇后及妃各就拜位。典儀唱迎神。樂作。內贊奏跪。搯圭。上香。皇帝跪。搯圭。司香官跪捧香函進于皇帝之左。皇帝上香訖。內贊奏出圭。復位。皇帝出圭。復位。樂止。內贊奏四拜。皇帝皇后及妃皆四拜。奏興。平身。典儀唱奠帛。行初獻禮。樂作。內贊奏搯圭。皇帝搯圭。奏奠帛。捧帛官以帛跪進于皇帝之右。皇帝受帛奠訖。奏獻爵。執爵官以爵跪進于皇帝之右。皇帝受爵獻于太祖神御前。奏出圭。奏搯圭。皇帝搯圭。奏獻爵。執爵官以爵跪進于皇帝之左。皇帝受爵獻于高皇后神御前。奏出圭。奏復位。各廟捧主官至此皆上香奠帛。獻爵訖。退。奏跪。贊讀祝。樂暫止。皇帝皇后及妃皆跪。讀祝官取祝跪讀訖。樂復作。奏俯伏。興。平身。樂止。典儀唱行亞獻禮。樂作。司贊女官奏搯圭。皇后搯圭。奏獻爵。執爵女官以爵跪進于皇后之右。皇后受爵獻于太祖神御前。奏出圭。奏搯圭。皇后搯圭。奏獻爵。執爵女官以爵跪進于皇后之左。皇后受爵獻于高皇后神御前。奏出圭。奏復位。各廟捧主官俱獻爵訖。樂止。典儀唱行終獻禮。樂作。司贊女官啓搯圭。宸妃等妃俱搯圭。啓獻爵。儀同亞獻。但一妃獻帝王前。一妃獻后主前。訖。樂止。太常卿進立于東西向。唱賜福胙。光祿官捧受如常儀。內贊奏跪。搯圭。皇帝跪。搯圭。奏飲福酒。皇帝飲訖。奏受胙。皇帝受訖。奏出圭。如常儀。奏四拜。皇帝皇后及妃皆四拜。訖。典儀唱徹饌。樂作。徹訖。樂止。太常卿跪奏禮畢。請還宮。樂作。內贊奏四拜。皇帝皇后及妃皆四拜。樂止。退立于東。典儀唱讀祝官捧祝。進帛官捧帛。各詣燎位。各廟捧主官捧回。退。皇帝奉太祖神主納櫃。皇后奉高皇后神主納櫃。訖。導駕官導

皇帝皇后及妃出各陞輿還宮。世廟行禮同。禮畢由來路至陞輅陸車處。教坊司官跪奏樂奏敬祖宗之曲。大樂鼓吹振作還宮解嚴。

隆慶元年增定命婦上箋儀。

諸儀與永樂年同但頒詔百官上表以第四日

頒詔之次日命婦行見中宮禮。前期一日女官陳設

皇后寶座于宮中。設香案于丹墀之南。其日清晨內官陳設儀仗于丹陛之東西。及丹墀東西女官擊執者立于寶座之左右。陳內樂于丹陛東西北向。設而不作。設箋案于殿東門外。設班首拜位。及各命婦拜位于丹墀北向。設司贊位于丹墀東西。設司賓位于命婦班之北東西相向。設內贊二人于殿內東西。命婦至宮門外。司贊引命婦入就拜位。女官具服侍班如常儀。尙宮尙衣等官詣內奉迎。尙儀奏請陞座。皇后具禮服出。導從如常儀陞座。司贊唱班齊。贊四拜。外贊唱進箋。贊衆命婦跪。引箋案女官二人舉由殿東門入至殿中。箋文不宣。命婦皆興。司贊唱四拜。尙儀跪奏禮畢。皇后興還宮。命婦以次出。

### 【皇妃册立儀】

洪武三年定

前期一日禮部官奉册印進入。置于謹身殿御座寶案之前。册東印西。侍儀司設册禮使受制位于奉天殿橫街南。稍東。副使位于其西。俱北向。設承制官。奉節官。奉册印官位于册使之東北。南向。以北爲上。設副使受册受印褥位于受制位之南。北向。設典儀二人位于丹陛上之左右。傳贊二人位于丹陛下之

左右文武官對立于丹墀兩旁。引班四人位于文武官之北。贊禮二人位于册使位之北。皆東西相向。所司置龍亭于奉天門外正中。設儀衛鼓吹以俟。內使監令設使副位于內宮門之外。北向。東上。設內使監令位于册使之東北。西向。設贊者二人位于册使之北。東西相向。設册印案于贊者之北。册東印西。內使設妃受册位于本位庭中。北向。設册印案于妃受册印位之北。册東印西。設內命婦諸親賀位于庭階之南。北向。又設妃受賀位于宮中南向。設內贊二人位于妃受册位之北。設引禮二人位于內贊之南。皆東西相向。其日質明。文武百官皆朝服。引班分引序立于奉天殿丹墀之兩旁。東西相向。贊引使副公服入就橫街南位。北面立。承制官奉册。奉印官及掌節者皆入詣謹身殿外。北向立以俟。內臣傳旨訖。掌節者持節。奉册官奉印官率執事者。舉册印案以行。奉節官掌節者前導。次册案。奉册官後從。次印案。奉印官後從。承制官押其後。至橫街南。以案置于使副受册褥位之北。册東印西。承制官奉節。奉册。奉印官各就位。西向立。掌節者持節立于奉節官之左。差退。典儀贊使副皆再拜。承制官詣使副前稱有制。典儀贊使副跪。承制官宣制曰。妃某氏特封某妃。命卿等持節展禮。宣制訖。復位。典儀贊使副再拜。奉節官率掌節者持節詣册使前。掌節脫節衣以節授奉節官。奉節官以節西向授册使。册使跪受。以授掌節者。掌節者受節。立于册使之左。奉節官退復位。贊禮引册使詣受册褥位立。奉册官于册案上取册授册使。册使跪受册。興置于案。奉册官及册使各退復位。贊禮引副使詣受印褥位立。奉印官于印案上取印。



西向授副使。副使跪受印。興置于案。奉印官及副使俱退復位。典儀傳贊贊使副皆再拜。典儀唱禮畢。執事者舉册印案出。奉天門外。奉册。奉印官取册印置龍亭中。奉册。奉印官退。贊禮引册使押册。副使押印。持節者前導。儀衛鼓吹以次出。引班引文武百官退。册印將至內宮門外。內使請妃服花釵翟衣。引出閣。至本位宮中南向立。及册印至。使副于龍亭中取册印權置于門外所置案上。訖。引禮內使引使副及內使監令俱就位立。次引使副于內使監令前稱册禮。使某。副使某。奉制授某妃册印。退復位。內使監令入詣妃本位庭中躬言訖。出復位。引禮引內命婦諸親俱入就位。引禮引册使詣內使監令前。册使取册。以授內使監令。內使監令跪受。以授內執事。引禮又引副使取印。以授內使監令。內使監令跪受。以授內執事。率執事者奉册印以次入。詣妃受册位前。各置于案。册東印西。引禮引妃降詣庭中。受册位立。侍從如常儀。內使監令率內執事取册印。以次立于妃之東西向。內使監令稱有制。內贊贊妃四拜。內使監令宣制訖。執事者取册授內使監令。跪讀册訖。以册授妃。妃跪受。以授內執事。執事者取印跪授妃。妃跪受。以授內執事。內贊贊妃四拜。內使監令出詣使副前躬稱妃受册印禮畢。使副還復命。引禮引妃陞階就位。南向坐。引禮引內命婦諸親以次賀如常儀。禮畢。引禮引內命婦退。內使監令引妃謝皇帝皇后。並如宮中之儀。

永樂七年續定

其日實明錦衣衛設鹵簿大駕教坊司設中和韶樂及大樂鴻臚寺設節冊案于奉天殿內設正副使拜位于丹墀內官設皇妃受冊位于各宮中設節冊案于皇妃受冊位之北又設香案于節冊案前設內贊二人引禮二人上御華蓋殿具皮弁服鴻臚寺官奏執事官行禮畢奏陞殿導駕官導上陞座文武百官具朝服入班行叩頭禮侍班正副使入班就拜位贊四拜興傳制官奏傳制俯伏興執事官舉節冊案由殿左門出置御道中傳制官由左門出稱有制贊正副使跪制曰永樂七年某月某日冊某氏爲某妃命卿等持節行禮贊俯伏興四拜禮畢執事官舉節冊案由御道東出黃蓋遮送至奉天門外用鼓樂迎至右順門外正副使朝北立內官捧節冊正門入迎至各皇妃宮中節冊將至引禮請皇妃具禮服宮人各執扇衛從出迎于宮門外節冊至皇妃隨至拜位內官以節冊各置于案內贊贊四拜贊宣冊贊跪女官捧冊立宣於皇妃之左宣畢贊摺圭贊受冊女官跪授皇妃皇妃以授女官女官跪受于皇妃之右贊興內贊贊四拜禮畢內官持節出皇妃送出宮門外內官出報正副使禮畢各宮行禮俱同正副使得報持節復命是日內官先具祭儀翰林院具祭文上具服皇妃各具妃服上率詣奉先殿行謁告禮如常儀畢皇妃各具妃服女官引詣上前行八拜禮畢回宮同日內官先于宮中設皇妃座南向設諸親及命婦賀位于階之南北向設儀仗設內贊二人引禮二人候皇妃謝恩禮畢回宮女官二人導皇妃陞座引禮先引長公主公主各親王妃以次入班贊行四拜禮次引郡王妃郡主輔國將軍夫人以次入班贊行四拜

禮。國初親王未之國時有郡王妃。以下至夫人行禮永樂以後俱無。次引六尚等女官。又次引四品以上命婦俱行四拜禮。皇妃俱坐受。

成化二十二年册貴妃有寶。先贊受册。後贊授寶。册德妃無寶。止贊授册。謁告奉先殿畢。先詣皇太后前行八拜禮畢。次至內殿候上服皮弁服。皇后具燕居服同陞座。贊引女官引妃詣前就位。行八拜禮畢。回宮。

嘉靖十九年進封妃嬪俱同日。皇貴妃用金册金寶。妃嬪無寶。止用鍍金銀册。錦衣衛設儀仗如朔望儀。是日寅刻上具常服。告于皇祖。分遣文武大臣告于列聖宗廟。太常寺備香帛脯醢酒果。翰林院撰告文告廟畢。上具皮弁服。御華蓋殿。行禮俱如常儀。

【皇嬪册立儀】

嘉靖十年定

先期太常寺備告太廟世廟香帛脯醢酒果。翰林院具祝文。禮部奏請欽定持節捧册正副使各二員。前一日鴻臚寺設節册案于奉天殿。節案居左。册案居右。設節册綵輿于丹墀內。教坊司設中和韶樂及大樂。錦衣衛設儀仗如朔望儀。是日早。內官設九嬪受册位于宮中。設節册案于受册案之北。節案居左。册案居右。設香案于節册案前。設內贊各三人。引禮各二人。至期。上具袞冕服。以册封九嬪。祭告太廟世廟。如常儀禮畢。駕回。上易皮弁服。御華蓋殿。鴻臚寺官奏執事。官行禮畢。奏請陞殿。導駕官導上陞座。文武

百官各具公服入班行叩頭禮。左右侍班。正副使具朝服入就拜位。鳴贊贊四拜。興。傳制官跪奏。傳制。執事官舉節冊案。由殿左門出。置御道中。傳制官由左門出。稱有制。鳴贊贊跪。正副使跪。傳制官宣制曰。嘉靖十年三月初二日。冊某氏爲德嬪。某氏爲賢嬪。某氏爲莊嬪。某氏爲麗嬪。某氏爲惠嬪。某氏爲安嬪。某氏爲和嬪。某氏爲僖嬪。某氏爲康嬪。命卿等持節行禮。贊俯伏興。四拜。禮畢。執事官舉節冊置綵輿中。傘蓋鼓樂迎至右順門。正副使北面立。內官舉節冊綵輿由正門入。迎至九嬪宮中。節冊未至之前。引禮請九嬪出迎于宮門外。節冊至由正門入。九嬪隨至拜位。內官以節冊各置于案。內贊贊四拜。贊宣冊。贊跪。宣冊女官取冊立宣于九嬪之左。訖。贊受冊。贊摺圭。宣冊女官以冊授九嬪。九嬪以冊授女官。女官跪受于九嬪之右。立于西。贊出圭。贊興。贊四拜。禮畢。內官持節由正門出。九嬪送出宮門。各內官齎節出。至右順門裏。待齊出右順門外。以節授正副使。報禮畢。正副使得報。持節次日早復命。

九嬪受冊封畢。各具服。皇后率詣奉先殿。奉慈殿。崇先殿。行謁告禮如常儀。仍各具服詣昭聖康惠慈壽皇太后前。章聖慈仁皇太后前。莊肅皇后前。俱行八拜禮畢。候上服皮弁服。皇后亦具服。各陞座。贊引女官引詣前就拜位行八拜禮畢。各回宮。

洪武二十五年。令凡傳制遣使持節。俱由東階左行。○嘉靖十五年。諭鴻臚寺。凡遣使冊立冊封。正使立于御道之左。副右拜命而行。

# 明會典卷之四十七 禮部五

## 【册立二】

### 【皇太子册立儀】

東宮册立儀累朝微有不同異其尤異者洪武永樂命至殿上受册寶宣德嘉靖則命使持節至文華殿授皇太子具列于後

洪武初定

### 册立頒詔

前一日內使監官陳御座香案于奉天殿如常儀尙寶司設寶案于御座前侍儀司設詔書案于寶案之前册案寶案于殿中册案在東寶案在西册寶亭一座于丹陛之東皇太子拜位于丹陛上及御座前俱北向授册寶官位于殿上皇太子拜位之東西向讀册寶官位于授册寶官之北北向捧進册寶官位于讀册寶官之南南向受册寶內使二人位于殿上皇太子拜位之西昇册寶亭內官八人位于丹陛册寶亭之東設承制官承制位于殿內之西宣制位于殿門外東北捧詔官位于殿內之東內贊二人位于殿內皇太子拜位之北贊禮二人位于丹陛上之南知班二人位于丹墀中文武官侍立位之南糾儀御史

二人位于知班之北。俱東西相向。文武百官齊班位于午門外之東西北上。文官侍立位于文樓之北。西向。武官侍立位于武樓之北。東向。使臣僧道耆老侍立位于文官侍立位之南。俱西向。殿前班指揮司官三人位于丹陛之西。東向。宣徽院官三人位于丹陛之東西向。侍從班起居注給事中殿中侍御史侍儀使尙寶卿侍立位于殿上之東。侍從班武官指揮使侍立位于殿上之西。拱衛司官二人侍立位于殿中門之左右。典牧官二人位于仗馬之南。宿衛鎮撫二人位于丹墀階前。護衛百戶二十四人。位于宿衛鎮撫之南。稍後。護衛千戶八人。位于殿東西門之左右。將軍二人位于殿上簾前。將軍四人位于丹陛之四隅。將軍六人位于奉天殿門之左右。將軍六人位于奉天門之左右。俱東西相向。鳴鞭四人位于丹陛之南北向。引文武官舍人四人位于文武官侍立位之北。稍後東西相向。引使臣僧道耆老舍人二人位于引文官舍人之下。禮部官同內使監官安奉詔書于殿內案上。及於冊寶亭中。匣蓋內取冊寶置于殿內冊寶案上。冊在前。寶在後。內使舁冊寶亭就位。禮部官以付內使監官守護。其日清晨。鼓初嚴。金吾衛陳甲士于午門外之東西。旗仗于奉天門外之東西。拱衛司陳儀仗于丹陛之東西。及丹墀之東西。陳車輅于文武樓之南。典牧官陳仗馬于車輅之南。虎豹于奉天門外。和聲郎人陳樂于丹墀之南。所司備鼓樂儀衛備儀仗于奉天門外。伺候迎送冊寶至東宮。文武百官各具朝服。執事者俱入就位。鼓次嚴。百官齊班于午門外。尙寶卿侍從侍衛官各服其器服。俱詣謹身殿奉迎。鼓三嚴。侍儀奏中嚴。御用監官奏請上

御謹身殿。具冕。啓請皇太子于奉天門。具冕服。引班。引百官使。臣僧道耆老等。俱入侍立位。侍儀奏外辦。上御輿以出。尚寶卿捧寶及侍儀導。從警蹕如常儀。仗動。大樂鼓吹振作。陞座。樂止。將軍捲簾。尚寶卿以寶置于案。鳴鞭報時訖。引進四人引皇太子入奉天東門。樂作。陞自東階。由東門入。引進立候于門外。內贊接引至丹陛拜位。引禮分立于左右。樂止。捧受冊寶內。使由西階陞。俱入就丹陛立位。知班于丹陛中唱班齊。贊禮于丹陛上唱鞠躬。樂作。皇太子再拜。興。平身。樂止。內贊唱承制官稍前。承制官前立于殿西。內贊唱跪。承制官跪。承制訖。由殿中門出。立于門外。稱有制。贊禮唱跪。皇太子跪。宣制云。冊長子某爲皇太子。宣畢。贊禮唱俯伏。興。平身。承制官由殿西門入。跪于殿西云。傳制畢。復位。贊禮贊鞠躬。樂作。皇太子鞠躬。再拜。興。平身。樂止。贊禮唱行冊禮。引禮引皇太子由殿東門入。樂作。引禮立于門外。內贊接引至御座前拜位。樂止。內贊唱跪。皇太子跪。唱受冊寶。捧冊寶官于案前跪。捧冊授讀冊寶官。內贊唱讀冊。讀冊寶官跪讀冊訖。以冊授丞相。丞相指笏受冊。內贊唱指圭。皇太子指圭。唱受冊。丞相以冊跪授于皇太子。捧受冊寶內。使跪于皇太子西。捧冊興。立于皇太子西。捧冊寶官又于案前跪。捧寶授讀冊寶官。內贊唱讀寶。讀冊寶官跪讀寶訖。以寶授丞相。丞相受寶跪授于皇太子。捧受冊寶內。使跪于皇太子西。捧寶興。立于捧冊內使之下。內贊唱出圭。皇太子出圭。唱俯伏。興。平身。皇太子俯伏。興。平身。唱復位。引皇太子出。樂作。內使捧冊寶前導。出至殿東門。引禮引皇太子復位。樂止。內使以冊寶置于冊寶亭蓋匣中。退立。

于丹陛之東贊禮贊鞠躬拜樂作皇太子四拜興平身樂止內使昇冊寶亭前行引禮導皇太子由東階降樂作出奉天門樂止引禮引皇太子詣東耳房伺候于中宮行禮內使昇冊寶亭東門出至西道儀仗鼓吹前迎百官迎送至東宮安奉冊寶于殿內初皇太子降階禮部尙書跪奏用寶詣案捧詔書尙寶卿用寶以詔書置于案禮部尙書于殿西跪奏云捧詔赴午門開讀興捧詔官捧詔由中門出樂作降自中陛引禮引文武官迎詔書出奉天門樂止開讀于午門外訖百官迎詔至中書省頒行執事入報侍儀奏禮畢鳴鞭上輿樂作還宮樂止

皇太子朝謝中宮

受冊之日內使監官陳設皇后御座于中宮殿上皇太子拜位于殿庭正中及御座前內贊二人位于殿上拜位之東西司贊二人位于丹墀拜位之東西陳設儀仗于殿庭之東西擎執于殿上之左右樂工陳樂于殿庭之南皇太子于奉天殿受冊畢司賓引皇太子具冕服至中宮外門東向立內使監官啓聞皇后首飾褱衣出殿樂作陞御座樂止司賓引皇太子自東階陞樂作就丹墀拜位樂止司賓分立于前司贊唱鞠躬拜樂作皇太子四拜興平身樂止司賓引皇太子由殿東門入樂作至殿上拜位樂止內贊唱跪皇太子跪恭謝曰小子某茲受冊命謹詣母后殿下恭謝謝畢內贊唱俯伏興皇太子俯伏興平身司賓引皇太子由殿東門出樂作復位樂止司贊唱鞠躬拜樂作皇太子四拜樂止司賓唱禮畢內使監官



啓禮畢。皇后興。樂作。還宮。樂止。內官引皇太子出。

### 諸王賀東宮

皇太子受冊之日。內使監官設皇太子座于東宮。侍儀司設諸王拜位于殿庭階上。及殿上正中。贊禮二人位于殿庭王拜位之東西。內贊二人位于殿內王拜位之東西。文武官侍立位于殿庭之東西。將軍六人位于殿門之左右。拱衛司設儀仗于殿庭之左右。樂工設樂于宮門之外。伺皇太子于中宮行禮畢。引禮引諸王便服至東宮門外。西向立。引進引皇太子便服出宮。樂作。陞殿。樂止。引禮引諸王由東階陞。樂作。至殿庭階上拜位。樂止。贊禮唱鞠躬。拜。樂作。諸王鞠躬。四拜。興。平身。樂止。引禮引諸王居長者由殿東門入。樂作。引禮立于門外。內贊接引至殿內拜位。樂止。內贊贊禮同唱跪。諸王皆跪。長王恭賀曰。小弟某。茲遇長兄皇太子榮膺冊寶。不勝忻忭之至。謹率諸弟詣殿下稱賀。賀畢。內贊贊禮同唱俯伏。興。平身。引禮引長王由殿東門出。樂作。復位。樂止。贊禮唱鞠躬。拜。樂作。諸王鞠躬。四拜。興。平身。樂止。唱禮畢。引進啓禮畢。皇太子興。樂作。還宮。樂止。引進引諸王以次出。

### 諸王賀中宮

皇太子受冊之日。內使監官陳設皇后御座于中宮殿上。諸王拜位于殿庭正中。及御座前。內贊二人位于殿上拜位之東西。司贊二人位于諸王丹墀拜位之東西。設儀仗于殿庭之東西。擎執于殿上之左右。

樂工陳樂于宮門外。諸王于東宮行賀禮畢。司賓引諸王俱罷服。至中宮外門東向立。內使監官啓聞。皇后首飾禕衣出殿。樂作。陞御座。樂止。司賓引諸王由東階陞。樂作。人就丹墀拜位。樂止。司贊唱鞠躬拜。樂作。諸王鞠躬。四拜。興。平身。樂止。司賓引諸王居長者由殿東門入。樂作。至殿上拜位。樂止。內贊司贊同唱跪。諸王皆跪。長王恭賀曰。小子某茲遇長兄皇太子。榮膺冊寶。不勝懽慶。謹率諸弟詣母后殿下恭賀。賀畢。內贊司贊同唱俯伏。興。平身。諸王俯伏。興。平身。司賓引長王由殿東門出。樂作。復位。樂止。司贊唱鞠躬拜。樂作。諸王鞠躬。四拜。興。平身。樂止。司賓唱禮畢。內使監官啓禮畢。皇后興。樂作。還宮。樂止。內官引諸王以次出。

百官進慶賀表箋

與進賀中宮受冊表箋儀同。

百官進慶賀東宮箋

前期。內使監官陳設皇太子位于東宮正殿。如常儀。侍儀司設箋案位于殿下。及殿上正中。文武官拜位于殿下。文東武西。異位重行。北向。設宣箋官位于殿下。箋案之西。展箋官位于宣箋官之下。知班二人位于文武官拜位之北。贊禮二人位于知班之北。內贊二人位于殿上。引文武班舍人四人位于文武班之北。稍後。俱東西相向。是日宿衛陳兵仗于東宮門外之東西。陳旗仗于中門外。東西相向。將軍六人于殿

門之東西拱衛司陳儀仗于殿庭階上下之東西和聲郎陳樂于文武官拜位之南內使擎執于殿上之左右文武官進箋至午門前禮部官以箋函置于案舍人舉入東宮門外恭候行禮文武官于奉天殿行賀禮畢常服詣東宮文東武西分立于門外受箋官贊禮等執事各就位引進啓外備皇太子常服出宮至殿門樂作陞殿樂止舍人舉箋案入宣箋官展箋官押案置于庭各就位引班引文武官亦入就位知班唱班齊贊禮唱鞠躬拜樂作丞相以下皆鞠躬四拜興平身樂止贊禮唱進箋受箋官進至案之東北引班引承相至案前丞相跪捧箋興與宣箋官展箋官由西陞陞西門入至殿內置于案退立于殿南正中內贊唱跪贊禮唱衆官皆跪丞相與衆官皆跪內贊唱宣箋宣箋官詣案前取箋跪宣于殿西展箋官同跪展箋宣畢俯伏興退立于西展箋官以箋復置于案退立于西內贊贊禮同唱俯伏興丞相與百官皆俯伏興平身丞相與宣箋官展箋官由殿西門出西陞降復位贊禮唱鞠躬拜樂作丞相以下皆鞠躬四拜興平身樂止贊禮唱禮畢引進啓禮畢舍人舉箋案出皇太子興樂作還宮樂止百官以次出

#### 內外命婦慶賀中宮

至日司賓引內外命婦各服其服俟于中宮門外之左右俟皇太子入行朝謝畢內使監官啓聞司賓二人先引外命婦由西門入序立于庭中左右二人引內命婦入就拜位司贊唱班齊拜樂作內命婦以下皆四拜興樂止司賓引班首由西階陞西門入樂作至御座前樂止內贊司贊同唱跪班首以下皆跪班

首稱某封某妾某等。茲遇皇太子榮膺册命。恭詣皇后殿下稱賀。賀畢。內贊司贊同唱興。班首以下皆興。司賓引班首由西門出。西陞降復位。司贊唱拜。樂作。班首以下皆四拜興。樂止。司賓二人引外命婦入就拜位。贊拜。樂作。班首以下皆四拜興。樂止。司賓引班首由西陞陸西門入。樂作。至御座前。樂止。內贊司贊同唱跪。班首以下皆跪。班首稱賀曰。某封某妾某氏等。茲遇皇太子榮膺册命。恭詣皇后殿下稱賀。賀畢。內贊司贊同唱興。班首以下皆興。司賓引班首由西門出。西陞降。司贊唱拜。樂作。班首以下皆四拜興。樂止。司賓唱禮畢。皇后興。樂作。還宮。樂止。命婦以次出。

謁廟

皇太子擇日恭謁太廟。

永樂二年續定

先期三日齋戒。遣官祭告天地宗廟。用香帛酒脯。行一獻禮。前一日。禮部同鴻臚寺官設詔案于奉天殿中。設節册寶案于詔案之南。節中册東。寶西。名以次陳列。設册寶綵輿于丹陛之東。尙寶司設寶案。錦衣衛設鹵簿儀仗。教坊司設中和韶樂如常儀。至日。鴻臚寺設皇太子拜位于丹陛正中。設持節等官拜位于丹墀內。引禮啓請皇太子具冕服于文樓下。以俟。上服竟冕。御華蓋殿。翰林院官捧詔。尙寶司官用寶。訖。禮部官捧置于案。執事官行五拜禮畢。鴻臚寺官奏請陞殿。導駕官前導。樂作。上御奉天殿。樂止。尙寶

司官以寶置于案。鳴鞭。文武百官朝服行叩頭禮。侍班引禮官六人導皇太子由東階陞。至丹陛贊就位。持節等官各就丹墀拜位。贊鞠躬。樂作。四拜。樂止。傳制官跪奏傳制。俯伏。興。由左門出。西向立。稱有制。贊禮贊跪。皇太子及持節等官皆跪。宣制訖。贊俯伏。興。平身。引禮導皇太子由殿東門入。至冊寶案前。內贊贊跪。贊宣冊。捧冊官跪捧冊授宣冊官。宣冊官立宣于皇太子之右。宣訖。贊揖。捧冊官捧冊授皇太子。受訖。以授內侍。內侍跪受。立于西。贊受寶。一如授冊儀。贊出。主。俯伏。興。平身。贊復位。引禮導皇太子由殿東門出。就位。內侍捧冊寶前導。置綵輿中。內贊贊鞠躬。樂作。四拜。樂止。執事者各舁冊寶以次前行。引禮導皇太子由東階降。持節等官隨之。樂作。至奉天門。樂止。用儀仗鼓樂迎冊寶至文華殿。行禮畢。持節官持節復命。是日禮部官候節冊寶啓行畢。奉詔書至承天門開讀。頒示天下。皇太子受冊寶畢。具冕服儀仗。引禮導引詣太廟。行謁告禮。如常儀。禮畢。釋服。引禮導引至左順門。具冕服謝恩。上具皮弁服。御奉天殿。引禮導皇太子至上前謝恩。樂作。行八拜禮畢。樂止。導還至右順門。內官導詣內殿前。皇后服燕居冠服。陞內殿。皇太子于內殿丹陛行八拜禮畢。

親王見東宮。先是內官設皇太子座于文華殿。鴻臚寺設親王世子郡王拜位于殿陛上。教坊司設樂。錦衣衛設儀仗。候親王世子郡王賀中宮禮畢。引禮導親王世子郡王具冕服。其未冕者便服。序列于文華殿門外。以俟。導引官導皇太子冕服陞座。引禮導親王世子郡王由東階陞。樂作。就殿陛上拜位。樂止。贊

鞠躬四拜。親王世子郡王皆鞠躬四拜。興平身。贊跪。親王世子郡王皆跪。鴻臚寺官一人詣殿門外正中。跪致詞曰：「某王某等茲遇皇太子殿下榮膺册命，禮當慶賀，致詞畢，贊俯伏興四拜，樂作。親王世子郡王皆俯伏興四拜，平身。皇太子駕興，親王世子郡王以次出。是日皇太子詣武英殿見諸叔，行家人禮。四拜。諸叔西向坐受。見諸兄行家人禮。二拜。諸兄西向立受。次日文武百官進表箋慶賀如常儀。○二十二年十月册立樂設而不作。明日奉先殿行禮畢，仍詣几筵謁告如常儀。時文皇帝梓宮在殯。

宣德二年續定

前期祭告天地宗廟社稷。鴻臚寺錦衣衛陳設如常儀。上服皮弁服，御華蓋殿。執事官行五拜叩頭禮畢。鴻臚寺官請陞殿，導駕官前導上陞座。尙寶司以寶置于案。鳴鞭。文武百官具朝服行叩頭禮。左右侍班引禮引王副使入就拜位。贊四拜。傳制官跪奏傳制。俯伏興。執事官舉節册寶案由殿左門出，置御道中。傳制官由左門出，稱有制。贊正副使跪。宣制曰：「某年某月某日，册立長子某爲皇太子，命卿等持節行禮。贊俯伏興。又四拜。禮畢。執事官舉節册寶置于綵輿中。黃蓋送至左順門外。正副使朝北立。內官捧節册寶由正門入。至文華殿。內侍引皇太子出迎。至文華殿。內官以節册寶置于案。內贊贊四拜。贊宣册。贊詣册案前。贊跪宣册。內官立宣訖。贊受册。捧册官以册授皇太子。受訖。以册授內侍。內侍跪受。立于西。贊受寶。捧寶內官捧寶如授册之儀。贊俯伏興。平身復位。贊四拜。禮畢。內官持節由正門出。至左順門外。以節

授正副使報禮畢。正副使得報持節復命。其頒詔如常儀。皇太子受冊寶畢。內使引詣奉先殿謁告如常儀。畢。內使引皇太子詣皇太后前行八拜禮。次詣上前皇后前。皆行八拜禮。次詣皇妃前行四拜禮。畢。還宮。時上以皇太子尚幼。冊使捧冊。寶至左順門。授內侍捧入。免賀。次日文武百官具朝服上表賀。陳設如常儀。上具冕。御華蓋殿。親王先行八拜禮。賀。次執事官行五拜三叩頭禮。畢。鴻臚寺奏請陞殿。導駕官前導。進表行禮。如正旦儀。親王于上前行賀禮。畢。次詣內殿皇太后前。賀。行八拜禮。畢。詣皇后前。賀。行八拜禮。畢。又詣皇妃前。賀。行四拜禮。皇太后皇后各于內殿皇妃于宮中。受內外命婦賀禮。外命婦進箋。陳設俱如常儀。文武百官進箋賀皇太子。陳設亦如常儀。

嘉靖十八年續定

前期三日齋戒。至日上躬詣南郊。以冊立皇太子。奏告皇天上帝。駕回。恭詣太廟。告開皇祖。命大臣祭告北郊。列聖宗廟。太社稷。帝社稷。朝日夕月。天神地祇。行事俱用祭服。太常寺辦祭品。通用酒果脯醢。三獻。上帝。皇祇加一牛。翰林院撰告文。圜丘祭告文。武陪祀官。各具祭服陪拜。百官各具吉服。并耆老生儒俱于昭亨門外陪拜。其分遣祭告北郊等官。俱詣圜丘陪拜。畢。方各詣祭所。宗廟祭告文。官五品以上。武官四品以上。皇親指揮等官。六科都給事中。俱照例具服陪拜。郊廟祭告畢。上具常服。以冊立告。開于母后。前期鴻臚寺設節冊寶案于奉天殿中。節中冊束寶西。設冊寶綵輿于丹陛之東。教坊司設中和韶樂。及

大樂如常儀。內使設節案于文華殿正中。設冊寶案于節案前。設香案于冊寶案前。設皇太子拜位于香案前。至日錦衣衛設大駕鹵簿。百官各具朝服。入丹墀內侍立。上具冕服。御華蓋殿。鴻臚寺官引執事官進至華蓋殿。就次行五拜三叩頭禮。贊各供事。鴻臚寺官奏請陞殿。樂作。導駕官前導上陞座。樂止。鳴鞭報時。雞唱。定時鼓訖。唱排班。文武百官及生儒耆老人等入班。鴻臚寺官贊四拜。樂作。與樂止。左右侍班。引禮引正副使入就拜位。贊四拜。傳制官跪奏。俯伏。與執事官舉節冊寶案。由殿左門出。置御道中。傳制官由左門出。稱有制。贊跪。正副使跪。傳制官宣制曰。嘉靖十八年二月初一日。冊立元子某爲皇太子。命卿等持節行禮。贊俯伏。與又四拜。禮畢。執事官舉節冊寶置于綵輿中。黃蓋遮送。教坊司鼓樂前導。至文華殿。正副使由中門入。至丹陛下停止。保姆奉皇太子迎于文華殿門內。正副使各捧節冊寶置于案。節冊東寶西。內贊導保姆奉皇太子就拜位。贊四拜。保姆奉皇太子拜。與贊宣冊。贊跪。保姆奉皇太子跪。鴻臚寺宣冊官取冊立宣于皇太子之左。宣訖。贊受冊。捧冊官以冊授皇太子。內侍官跪代受。以冊授捧冊官。置于冊案。贊宣寶。鴻臚寺宣寶官取寶立宣于皇太子之右。宣訖。贊受寶。捧寶官以寶授皇太子。內侍官跪代受。以寶授捧寶官。置于寶案。贊俯伏。與保姆奉皇太子與贊四拜。保姆奉皇太子拜。與禮畢。正副使捧節冊由正門出于奉天門。具本復命。冊立之明日。上恭詣宗廟。捧德祖神主。各廟捧主。大臣捧列聖神主。奉安畢。上具常服。率皇后貴妃各具禮服。保姆奉皇太子恭行告謝。三獻如常儀畢。上具常服。



詣母后謁謝。皇后率貴妃各具禮服。保姆奉皇太子詣上前。皇后貴妃俱代皇太子行八拜禮。貴妃又代皇太子詣皇后前行八拜禮。保姆又代皇太子詣貴妃前行四拜禮。上行告謝禮畢。御奉天殿頒詔天下如常儀。遣官齎捧御書禮物往各王府報知。及詔諭朝鮮國。是日文武百官上表行慶賀禮。仍上表賀皇太后。命婦入內賀皇后。俱如常儀。百官又以是日進箋賀皇太子。鴻臚寺官預設案于文華門。班首捧箋置于案。行叩頭禮畢。司禮監官捧進。

### 【皇太子妃册立儀】

永樂二年定

前一日。內宮設節册案于東宮內殿。設香案于其南。女樂于內殿。設儀仗如常儀。設內贊引禮女官各二人。至日。正副使等官持節捧册至左順門。以節册授內官。人行禮。北向立。俟報內官持節册由正門入。將至。內引禮請皇太子妃具禮服。宮人執扇從衛。引贊導妃降自東階。出迎于宮門外。比至。皇太子妃隨至拜位。內官置節册于案。內贊贊四拜。贊宣拜。贊跪。女官捧册立宣于皇太子妃之左。宣畢。內贊贊受册。贊摺。女官取册授皇太子妃。皇太子妃受訖。以授女官。女官跪受于皇太子妃之右。內贊贊出。贊興。贊四拜。禮畢。內官持節出。皇太子妃送出宮門外。內官報正副使禮畢。正副使復命。皇太子妃乃具禮服詣奉先殿行謁告禮。如常儀。禮畢。女官導詣宮門。俟上具皮弁服。皇后燕居冠服。降座。女官導妃就內殿行

八拜禮畢。出。○二十二年册立樂設而不作節册至。引贊贊妃就拜位。宣册授册畢。行四拜禮。奉先殿謁告畢。詣几筵。行謁告禮如常儀。時文皇帝梓宮在殯皇帝皇后前謝恩。禮畢。詣皇妃前行四拜禮。回宮。詣皇太子前行四拜禮。畢。導陞座。侍衛如常儀。王妃公主郡主及宮人女官應賀者。于丹墀內行四拜禮。畢。各退。

